

1909ի ԿԻԼԻԿԻԱՅԻ ՀԱՅԿԱԿԱՆ ԿՈՏՈՐԱԾՆԵՐԸ  
ՅՐԱՆՍԻԱԿԱՆ ՊԱՏՄԱԳՐՈՒԹԵԱՆ  
ԳՆԱՀԱՏՄԱՄԲ

ՎԱՐՈՒԺԱՆ ՊՈՂՈՍԵԱՆ  
Lannes@freenet.am

ՄՈՒՏՔ

Հայոց Յեղասպանութեան գործընթացը (1894-1922), իր սանձազերծումից ի վեր գտնուել է բազմաթիւ երկրների պատմարանների զանազան սերունդների ուշադրութեան կենտրոնում։ Այն յայն արձագանգների է արժանացել Յեղասպանութեան ժամանակակից եւրոպացի պատմարանների, քաղաքական եւ կրօնական գործիչների, մտաւորականների շրջանում։

Թէպէտ այսօր հրապարակի վրայ արդէն առկայ է հարուստ եւ բազմաբնոյիթ պատմագիտական գրականութիւն, այդուհանդերձ, Հայոց Յեղասպանութեան պատմութիւնը ուսումնասիրողները մինչ վերջերս չէին լուսարանել դրա առնչութեամբ պատմագիտական մտքի զարգացման նուաճումները եւ վերիվայրումները տարբեր երկրներում։ Այս ասպարէզում հարկ է ընդգծել Հայաստանի ժամանակակից պատմարանների ներդրումը, որոնք ձեռնարկել են առաջին քայլերն այս ուղղութեամբ<sup>1</sup>։

Հայոց Յեղասպանութեան գիտական ուսումնասիրութեան ասպարէզում հարուստ եւ վաղեմի պատմագիտական աւանդոյթներով առանձնանում է Փրանսիական պատմագրութիւնը, որի նուաճումները եւս երկար ժամանակ մնացել էին ստուերում<sup>2</sup>։ Սոյն յօդուածում կ'անդրադառնանք 1909ի Կիլիկիայում տեղի ունեցած ջարդերի պատմութեան ուսումնասիրութեան ոլորտում՝ իրադարձութեան ժամանակակից Փրանսիացի պատմարանների ուսումնասիրութիւններին։ Ի դէպ, Ի. դարի 10ականների երկրորդ կէսից մինչ 90ականներն այս թեման Փրան-

սիացի պատմաբանների ուշադրութիւնից ընդհանրապէս դուրս է մնացել:

Թեմայի արդիականութիւնը պայմանաւորուած է մի շարք հանգամանքներով.-

ա- Ժամանակակից թուրքական պատմագիտութեան որդեգրած՝ Հայոց Յեղասպանութեան իրողութիւնը ժխտելու դիրքորոշման դատապարտմամբ եւ հերքմամբ: Առաջադրուած մի շարք թեզեր ամրողջութեամբ համընկնում են կիլիկիահայութեան ոչնչացմանն առնչուող հրահանգներն ի կատար ածած Օսմանեան տեղական պաշտօնեաների՝ այդ իրադարձութեանը տուած մեկնարանութիւններին: Կիլիկեան ողբերգութեան ժամանակակից Փրանսիացի հեղինակները՝ իրենց նշանակութեան առումով ոչ-համարժէք աշխատութիւններում, թուրք պատմաբանների թեզերին անուղղակիորէն տալիս են արժանի հակահարուած:

բ- 1909ի կոտորածներին վերաբերող Փրանսիացի հեղինակների հաւաստումները հիմնաւորում են ժամանակակից ցեղասպանագէտների առաջադրած՝ Յեղասպանութեանն իրեւ երեւոյթի մեկնարանութեանն առնչուող մի շարք հայեցակարգային դրոյթներ, որոնք բնորոշ են տարբեր Յեղասպանութիւնների, այդ թւում՝ Հայոց Յեղասպանութեանը:

գ- 1909ի կիլիկեան կոտորածների պատմութիւնը վերջին տարիներին կրկին իր վրայ է բեւեռել Հայոց Յեղասպանութեան պատմութեան՝ թէ՝ արտասահմանեան<sup>3</sup> եւ թէ՝ հայաստանեան<sup>4</sup> մասնագէտների ուշադրութիւնը: Ըստ այդմ՝ նրանց Փրանսիացի նախորդների միեւնոյն ասպարէզում ներդրած աւանդի ուսումնասիրութիւնը, ձեռք է բերում մեծ նշանակութիւն:

## 1909ի ԿԻԼԻԿԵԱՆ ԶԱՐԴԵՐԻ ԲՆՈՒԹԱԳՐՈՒՄ

Հայոց Յեղասպանութեան գործընթացին բնորոշ է անհամաչափ, փուլային զարգացումը: 1909ի կիլիկիահայութեան հանդէպ կատարուած կոտորածը՝ 1890ականների կէսերին սանձազերծուած Հայոց Յեղասպանութեան առաջին փուլի եւ 1915ի Մեծ Եղեռնի միջեւ արձանագրուած՝ հայ ժողովրդի բնաջնջման քաղաքականութեան ամենածաւալուն դրսեւորումն է, որին պատմաբանները տուել են տարբեր գնահատականներ: Ըստ ընդունուած տեսակէտի՝ 1909ին կիլիկիայում տեղի են ունեցել հայկական կոտորածներ: Ժամանակակից պատմաբաններից ումանց մօտեցումը, սակայն, փոքր-ինչ այլ է: Փրանսիացի պատմաբան իւ Տերնոնն իրադարձութիւնը բնորոշում է իրեւ «ցեղասպանային կո-

տորած»<sup>5</sup>, որով նկատի ունի այսպիսի մի «միտում, յայտանիշների ամբողջութիւն, որոնք բոյլ են տալիս երկիրել Յեղասպանութեան իրականացումից»<sup>6</sup>: Ֆրանսիացի մէկ այլ պատմաբան՝ Ա. Ասսօն, 1894-1896ի եւ 1909ի կոտորածները համարում է 1915ի Յեղասպանութեան նախերգանք<sup>7</sup>: Հայաստանցի պատմաբան Հայկ Ղազարեանն իրադարձութիւնը բնորոշում է իրեւ «Յեղասպանութեան պատմութեան ընդիանուր եւ արինուտ շղթայի յիշարժան օդակներից մէկը»<sup>8</sup>, ինչն ամրողջութեամբ համահունչ է մեր կարծիքին: Սակայն միաժամանակ նա բազմիցս յիշատակում է նաեւ «կիլիկիահայութեան Յեղասպանութեան»<sup>9</sup> մասին, իրադարձութիւնը, փաստօրէն, անջրպետելով Հայոց Յեղասպանութեան գործընթացից: Նման մօտեցումն համընկնում է ամերիկացի ցեղասպանագէտ Ռոբերտ Մելոնի առաջադրած՝ Յեղասպանութեան իրեւ երեւոյթի տիպաբանութեան՝ չորս կէտից բաղկացած հայեցակարգին, ըստ որի՝ 1909ի իրադարձութիւնները կարելի է բնորոշել իրեւ «ներքին, մասնակի Յեղասպանութիւն»<sup>10</sup>:

Եթէ հաշուի առնենք, որ 1909ի կիլիկիահայութեան բնաջնջումը կազմակերպուել եւ իրականացուել է պետական քաղաքականութեան մակարդակով, կանխամտածուածութեան եւ զոհերի ազգային պատկանելիութեան հիման վրայ, որոնք Յեղասպանութեան իրեւ երեւոյթի հիմնական բնորոշիչներից են, ապա՝ իրադարձութիւնն, անտարակոյս, մեր համոզմամբ, հարկ է բնորոշել իրեւ Հայոց Յեղասպանութեան երկարատեւ գործընթացի բաղկացուցիչ մաս:

1909ի հայկական կոտորածների պատասխանատուութիւնն, անտարակոյս, բարդւում է գլխաւորապէս երիտթուրքերի վարչակարգի վրայ, որը 1909ի Մայիսի 31ի համիդեան յեղաշրջումից շատ աւելի վաղ է ծրագրել եւ նախապատրաստել կիլիկիահայութեան բնաջնջումը: Պատմաբաններից ումանք հարցը մեկնարանում են գլխաւորապէս այս կրտրուածքով, այն հիմնաւորելով, նաեւ արխիւային փաստաթղթերով (մասնաւորապէս՝ Ղազարեանը): Փոխարէնը, սակայն, անհրաժեշտ ուշադրութիւն չեն դարձնում սուլթանական վարչակարգի մեղսակցութեան բացայայտման անհրաժեշտութեան վրայ<sup>11</sup>: Ըստ մէկ այլ տեսակէտի՝ որը, մեր կարծիքով, աւելի ընդունելի եւ ընդգրկուն է, երիտթուրքերի նախապատրաստած՝ կիլիկիահայութեան ոչնչացմանն անմասնակից չեն եղել Արդուկ Համիդի համախոհները<sup>12</sup>, որոնք օգտուելով ընձեռուած պատեհ առիթից՝ սուլթանական յեղաշրջման յաջորդ օրն իսկ ոչ միայն չեն կասեցրել հայկական ջարդերի հասունացած գործընթացը, այլեւ նպաստել են դրա իրականացմանը, քանզի այն համապատասխա-

նել է իրենց քաղաքական նպատակներին։ Մեր կարծիքով, սակայն, անընդունելի է կիլիկեան կոտորածներից երիտթուրքերին պատասխանատուութիւնից զերծ պահելուն եւ այն ամրողջութեամբ սուլթանական վարչակարգի վրայ բարդելուն միտուած՝ որոշ պատմաբանների եւ ցեղասպանագէտների առաջադրած տեսակէտը<sup>13</sup>։

Իրականում, երիտթուրքերի յղացած 1909ի կոտորածներն իրականացուել են թէ՛ նրանց եւ թէ՛ համիդեան վարչակարգի ջանքերով եւ առանձնացել՝ գոհերի նկատմամբ գործադրուած սոսկալի դաժանութեամբ։

Կիլիկիահայութեան ոչնչացման իրողութիւնն աննկատ չի մնացել եւրոպական տարրեր երկրներում, այդ թւում՝ Ֆրանսիայում։

Բազմաթիւ ֆրանսիացի պատմաբաններ ի սկզբանէ ջանքեր են գործադրել իրավիճակի հաւաստի պատկերը եւրոպական հանրութեանը ներկայացնելու ուղղութեամբ, իրադարձութեան շուրջ առաջադրել զանազան, դեռեւս ոչ-սպառիչ մեկնաբանութիւններ։ Թէպէտ նրանց ներդրումը 1909ի կոտորածների ուսումնասիրութեան ասպարէզում թէ՛ ծաւալի եւ թէ՛ քննական վերլուծութիւնների խորութեան առումով, զիջում է 1890ականներին տեղի ունեցած Հայոց Յեղասպանութեան առաջին փուլի ուսումնասիրութեան ոլորտում ԺԹ. դարի վերջ-ի. դարի սկզբի ֆրանսիական պատմագիտական մտքի նուաճումներին, այդուհանդերձ, այն եւս արժանի է ուշադրութեան։

## GEORGES BRÉZOL

Այստեղ քննարկուող ժամանակաշրջանում ֆրանսիական պատմագրութիւնը, ի տարրերութիւն 1890ականների<sup>14</sup>, անհրաժեշտ ուշադրութիւն չի դարձրել սկզբնադրիւրների հրատարակութեան վրայ։

1909ի կիլիկիահայութեան ընածննջման գործընթացի մանրամասներն արտացոլում է միայն Ժորժ Բրեզոլ կեղծանուամբ՝ հայազգի Պետրոս Ազնաւուրի<sup>15</sup> աշխատասիրութեամբ 1911ին լոյս ընծայուած փաստաթղթերի ծաւալուն ժողովածուն<sup>16</sup>։ Գրքում ամփոփուած բազմաբնոյթ, նրա հաւաստմամբ՝ «արժանահաւատ փաստաբրդերն»<sup>17</sup> ունեն, մասնաւորապէս հայկական ծագում։ Դրանք հայ ականատեսների եւ հոգեւոր գործիչների զեկուցագրեր, նամակներ, հայկական մամուլում տպագրուած յօդուածներ են, որոնք, այդուհանդերձ, հնարաւորութիւն են ընձեռում ընդհանուր պատկերացում կազմելու կոտորածների մասին։ Ժողովածուի կազմողն, ամենայն հաւասականութեամբ, աւելի ցցուն դարձնելու համար թուրքական իշխանութիւնների որդեգրած դիրքորո-

շումը հայկական կոտորածների մեկնարանութեան հարցում, զետեղել է նաեւ թուրքական ծագում ունեցող եւ իրադարձութեան պատկերը խեղաթիւրող փաստաթղթեր: Միեւնոյն ժամանակ Բրեգոյն ամբողջութեամբ շրջանցել է եւրոպացի ժամանակակիցների վկայութիւնները (այս հարցի շուրջ սակայն ժողովածուի առաջարանում նա մեկնարանութիւններ չի տալիս):

Ժողովածուի բաժիններում դասակարգուած փաստաթղթերն արժանահաւատ տեղեկատուութիւն են Հաղորդում թէ՝ Հայոց Յեղասպանութեան հերթական փուլի՝ 1909ի կիլիկիահայութեան ողբերգութեան ընթացքի եւ թէ՝ իրադարձութեանը՝ Հակադիր բեւեռներում գտնուող կողմերի տուած գնահատականների մասին: Հարկ է նշել, որ հրապարակուած փաստաթղթերում կոտորածների ծաւալումը ներկայացուած է յայն յետնախորքի վրայ: Դրանք լուսարանում են ոչ միայն Աղանայում եւ յարակից տարածաշրջաններում տեղի ունեցած ոճրագործութիւնները, այլեւ Հաճընում, Կարս Փազարում, Դիօրթ Եոլում եւ այլ վայրերում հայերի մզած ինքնապաշտպանական մարտերը, սակաւաթիւթուրք պաշտօնեանների՝ հայերի նկատմամբ դրսեւորած բարեացակամ վերաբերմունքը, եւն::

Ժողովածուում ամփոփուած վաւերագրերի գերակշռող մասն անստորագիր է: Հայոց Յեղասպանութեան պատմութեանն առնչուող փաստաթղթերի ժողովածուների հրատարակիչները մէկ անգամ չէ, որ որդեգրել են նման սկզբունք<sup>18</sup>, քանզի Հակառակ պարագայում, նրանք, անտարակոյս, վտանգի կ'ենթարկէին վաւերագրերի՝ Օսմանեան Կայութեան տարածքում բնակուող հեղինակների կեանքը:

Ժողովածուում կոտորածների պատմականութիւնը հաւաստող՝ շրջանառութեան մէջ դրուած վաւերագրերը կրում են գլխաւորապէս նկարագրողական բնոյթ: Դրանց գերակշռող մասում չկան վերլուծութիւններ: Հեղինակները սահմանափակւում են Հիմնականում ընդհանուր բնոյթի դիտողութիւններով, ինչը վկայում է, որ նրանք դեռևս չեն ըմբռնել ոչ միայն իրադարձութեան պատճառները, այլեւ ի վիճակի չեն եղել յատակօրէն կողմուրոշուելու կոտորածների կազմակերպիչների ինքնութեան բացայայտման հարցում:

Վաւերագրերի հեղինակներից շատերը շրջանցելով կոտորածների իրական կազմակերպիչներին՝ երիտթուրքերին, սահմանափակուել են կիլիկիայի Օսմանեան ղեկավարների, մասնաւորապէս՝ Աղանայի վիլայէթի կուսակալ Զեւադ բէյի եւ զինուորական հրամանատար Մուսթաֆա Ռեմզի փաշայի դիրքորոշման դատապարտմամբ, որոնք, անտարա-

կոյս, ունեցել են պատասխանատուութեան իրենց մեծ, սակայն ոչ-վճռող բաժինը: Նրանցից մէկը Զեւադին անուանում է «հրէշ, որը հայերի կոտորածների կազմակերպիչներից եւ ղեկավարներից է»: Կուսակալին նա Համեմատում է Ներոնի հետ, որը «հրճում էր անգրօրէն կազմակերպուած հրդեհներով եւ կոտորածներով»<sup>19</sup>:

Սուեդիայի իրավիճակին նույիրուած՝ ինչ-որ չափով վերլուծական բնոյթի սակաւաթիւ յօդուածներից մէկի հեղինակն ուշադրութիւն է հրաւիրում Անտիոքում բռնկուած հրդեհի կազմակերպիչների վրայ, որոնք եղել են քաղաքի պաշտօնեաները եւ աղաները<sup>20</sup>: Այդուհանդերձ, կոտորածների հայազգի ժամանակակիցները, չնայած իրադարձութիւնների շուրջ արժանահաւատ տեղեկութիւնների հաղորդմանը, դժուարանում են բացայայտել կոտորածների իրական կազմակերպիչներին: Նրանցից ոմանք կոտորածների հրահրիչներ համարում են Օսմանեան տեղական պաշտօնեաներին, իսկ պատասխանատուութիւնը վերագրում են ոստիկանութեան թողտուութեամբ գործող հրոսակախմբերին<sup>21</sup>, կամ պատասխանատուներին դիմազերծելուն առնչուող հարցի կապակցութեամբ սահմանափակում են սոսկ՝ «ոչ ոք չզիտի» հակիրճ, կամ խուսափողական պատասխանով<sup>22</sup>:

Սակաւաթիւ վաւերագրերի հեղինակներ, որոնց ինքնութիւնը չի ճշգրտւում, ջանում են, այդուհանդերձ, դրսեւորել աւելի ընդգրկուն մօտեցում եւ կիլիկեան կոտորածների պատասխանատուութիւնն իրաւամբ բարդում են Օսմանեան պետութեան՝ կոստանդնուպոլյում գրտնուող ղեկավարների վրայ, դեռեւս ի վիճակի չինելով սակայն բացայայտելու իրական կազմակերպիչներին: Անտիոքի տարածաշրջանում տեղի ունեցած հայկական կոտորածներին անդրադարձած հեղինակներից մէկը գտնում է, օրինակ, որ դրանք իրականացնողները «նպատակ ունեին տառացիօրէն կենսագործել Երլիքի հրահանգները»<sup>23</sup>: Ըստ ստացուող տպաւորութեան՝ կոտորածների պատասխանատուութիւնը նա բարդում է միմիայն սուլլթանական վարչակարգի վրայ, քանզի համոզուած է, որ 1908ի սահմանադրութեան վերահաստատումից յետոյ «ազատ եւ երջանիկ» կեանքով ապրող հայերն Անտիոքի տարածաշրջանում ընաշնջուել են, փաստօրէն, համիդեան յեղաշրջման հետեւանքով<sup>24</sup>: Մէկ այլ հայազգի հեղինակի կարծիքով՝ Աղանայում հայկական կոտորածներ տեղի չէին ունենայ, եթե կոստանդնուպոլյում չիրականացուէր սուլլթանական յեղաշրջումը: «Այս արիւնուտ անցքերի տիրահոչակ հերոսները նախքան գործողութիւնների դիմելը՝ քաջալերանքները ստացել էին մայրաքաղաքից», - գրում է նա<sup>25</sup>:

**Այսպիսով, ինչպէս տեսնում ենք, հայ ժամանակակիցների շրջանում միանգամայն ակնյայտ է երիտթուրքերին հայկական կոտորածների պատասխանատութիւնից զերծ պահելու միտումը, ինչը հետեւանք է նրանց մօտ արմատացած այն թիւր մտայնութեան, թէ 1908ի յեղափոխութիւնից յետոյ վերջիններս իրր հետամուտ էին սահմանադրութեամբ հռչակուած վեհ սկզբունքների կենսագործմանը:**

**Չըմբոնելով իշխանութեան եկած քաղաքական նոր ուժերի ազգայնամոլ քաղաքականութեան էութիւնը եւ չկողմնորոշուելով Օսմանեան կայսրութիւնում տեղի ունեցած փոփոխութիւնների յորժանուտում, նրանք փոքր-իսկ կասկած չեն տածել երիտթուրքերի՝ կիլիկիայում եւ յարակից տարածքներում հայկական կոտորածների կազմակերպման գործում ունեցած ղեկավար դերի շուրջ:**

## **ՀԱՅ ԿՂԵՐԸ՝ ՀԱՅԿԱԿՆ ԿՈՏՈՐԱԾՆԵՐԻ ԿԱԶՄԱԿԵՐՊՄԱՆ ՄԱՍԻՆ**

**Շատ աւելի բացայայտ են կիլիկիահայութեան հոգեւոր առաջնորդների՝ Օսմանեան տարրեր բարձրաստիճան պաշտօնեաններին յղած նամակները։ Նրանք կազմակերպիչների ինքնութեան հարցում յայտնել են իրենց հայրենակիցների դիրքորոշմանը համահունչ կարծիքներ։**

**Աղանայի կաթոլիկ հայերի Առաջնորդ, Յակոբ եպիսկոպոս Թէրզեանն Օսմանեան խորհրդարանի նախագահ Նուրի բէյին յայտնում է, որ Աղանայի կոտորածների առաջին փուլի ընթացքում հայերի հանդէպ գործադրուել են՝ Լենկ Թեմուրի եւ Զինգիզ խանի ժամանակներից ի վեր նախադէպը չունեցող դաժանութիւններ։ Ըստ նրա՝ Հայերը ենթարկուել են «աննեկարագրելի վայրագուրինների»<sup>26</sup>։ Նման հաւաստումներից զատ, հոգեւոր գործիչներից ոմանք իրաւամբ մատնանշում են կիլիկիահայութեան հնագանդութիւնն Օսմանեան իշխանութիւններին եւ դրանով իսկ բացառում հայերի՝ կոտորածների սանձազերծմանը պատճառ դառնալու ենթադրութեան հաւանականութիւնը։**

**Հայ հոգեւոր գործիչները, սակայն, չեն սահմանափակւում հայ ժողովրդի հանդէպ կիրառուած բռնութիւնների հաւաստմամբ։ Յատկանշական է, որ նրանց գրագրութիւններում բազմիցս ընդգծում է եւ հիմնաւորում Յեղասպանութեան իրրեւ երեւոյթի հիմնական բնորոշիչներից մէկի՝ կիլիկիահայութեան բնաջնջման պարագայում կանխամտածուածութեան առկայութիւնը։ Թէրզեանն, օրինակ, նշաւակում է Օսմանեան կառավարութեանը, որը «մահմեղականներին բոյլատրել է անզքօրէն յարձակուել քրիստոնեանների վրայ եւ նոյնիսկ աջակցել նրանց առաջադրանքի կատարման ընթացքում»<sup>27</sup>։**

Հիմնուելով հաւաստի տուեալների վրայ՝ հայ հոգեւոր գործիչները շեշտում են, որ մահմեղականները նախապատրաստուած էին կոտորածներին, եւ բացառում է պատահականութեան հաւանականութիւնը դրանց իրականացման պարագայում։ Վկայակոչելով մի շարք անսքօղ փաստեր, որոնք առնչում են կոտորածների բնթացքում մահմեղականների, այդ թուում թուրք պաշտօնեաների՝ սպիտակ չալմա կրելուն, քրիստոնեաների խանութների վրայ՝ նախօրօք արուած նշաններին, որոնք հնարաւորութիւն են ընձեռել դրանք զանազանել մահմեղականներին պատկանող խանութներից, թէրզեանը հիմնաւորում է հայ բնակչութեան ունեցուածքի թալանին խնամքով նախապատրաստուելու իրողութիւնը<sup>28</sup>։

Միանգամայն հիմնաւորուած են թէրզեանի մեկնարանութիւններն Աղանայի կոտորածների երկրորդ փուլի կապակցութեամբ, որոնք յանգեցրել են աւելի սարսափելի աւերածութիւնների, եւ հրդեհի հետ մէկտեղ քաղաքք վերածել են «ամայի զերեզմանատան»<sup>29</sup>։ Իբրեւ իրադարձութեան կանխամտածուածութեան հիմնաւորում, նա վկայակոչում է նաև Զեւադ բէյի եւ պաշտօնատար այլ անձանց հակահայ անթաքոյց տրամադրուածութիւնը, ովքեր չնայած հայերին նախապէս տուած խոստումներին, ոչինչ չեն ձեռնարկել նրանց վիճակի բարելաւման համար։ Նման դիրքորոշումն իսկ նա անվարանօրէն համարում է անսքօղ փաստ, որը «որեւէ կասկած չի բողնում իրադարձութիւնների ծագման եւ նպատակի վերաբերեալ»<sup>30</sup>։

Նրա քննադատութեան կիզակէտում Զեւադ բէյն է, որը հայերին խոստացել էր փակել Աղանայում լոյս տեսնող եւ նրանց հասցէին զրպարտութիւններ ու կեղծ մեղադրանքներ տարածող տեղական՝ իմթիհաղական իմթիհայ լրագիրը<sup>31</sup>, սակայն իր խոստումը չէր կատարել, ինչը «յաւելել է հայերի դժբախսութիւնները»<sup>32</sup>։

Ընդհանուր առմամբ, հաշուի առնելով, որ թէ՛ Աղանայում եւ թէ՛ յարակից տարածաշրջաններում հայերի նկատմամբ գործադրուած զանազան բռնութիւնները սկսուել են միաժամանակ եւ միեւնոյն ձեւով, թէրզեանը մէկ անգամ եւս հաւաստում է, որ դրանք «կազմակերպուել են շարագուշակ դիտարութեամբ»<sup>33</sup>։ Մատնանշելով տարածաշրջանի քրիստոնեաներին ոչնչացնելու նպատակ հետապնդող կազմակերպութիւնների գոյութեան փաստը, թէրզեանը կոտորածների կազմակերպիչների բացայացման առնչութեամբ ջարդերի իրականացումը շաղկապում է նոյն օրերին կոստանդնուպոլսում տեղի ունեցած սուլթանական յեղաշրջման հետ եւ ընդգծում դրանց միջեւ առկայ կապը<sup>34</sup>։

Հայ հոգեւոր գործիչների՝ կիլիկեան կոտորածների կազմակերպիչների բացայայտման հարցում որդեգրած դիրքորոշմանը խիստ ընորոշ է Աղանայի կաթոլիկ հայերի եպիսկոպոս, նորին սրբազնութիւն Պոլի օրինակը։ Վերջինս կոտորածների սազրիչներ է համարում մահմեղական բարձրաստիճան պաշտօնեաներին, ովքեր տարածել են Զեւաղ թէյի եւ Մուսթաֆա Ռեմզի փաշայի հրահանգները։ Հենց այդ պաշտօնեաներն են, նրա կածիքով, մահմեղականներին թոյլատրել կողոպտել, հրկիզել հայերի ունեցուածքը եւ պատճառել նրանց ոչ միայն նիւթական վնասներ, այլեւ մարդկային մեծ կորուստներ<sup>35</sup>։

Հայերի ապստամբութեան վարկածի կապակցութեամբ, որն ըստ Օսմանեան ղեկավարների մեկնարանութեան՝ իրը պատճառ է դարձել հայկական կոտորածներին, Աղանայի հայ հոգեւոր առաջնորդները կրքոտութեամբ ընդվզում են իրենց վերագրուող՝ իրականութեան հետ որեւէ առնչութիւն չունեցող այդ յերիւրանքի դէմ եւ թուրք բարձրաստիճան պաշտօնեաներին հաւաստիացնում, որ երբեք չեն ապստամբել եւ աւելին՝ այդ մասին երբեւէ նոյնիսկ չեն խորհել<sup>36</sup>։ Փոխարէնը, հերթական անգամ ընդգծելով հայերի «հաւատարիմ եւ խոնարի» ենթականեր լինելու հանգամանքը, նրանք գտնում են, որ իրենց հայրենակիցները դարձել են զրպարտութեան եւ բանսարկութիւնների զոհ, որոնց տարածման համար մեղադրում են սուլթանական վարչակարգի կողմնակիցներին եւ որոշ մոլեուանդ մահմեղականների<sup>37</sup>։ Ցատկանշական է, որ հայ հոգեւոր առաջնորդները հաւաստում են իրենց հաւատարմութիւնը թէ՛ երիտթուրքերին եւ թէ՛ սահմանադրութեանը նուիրուած բոլոր Օսմանեան քաղաքացիներին։ Հաւաստելով իրենց նուիրուածութիւնն Օսմանեան սահմանադրութեանը, նրանք իրենց պատրաստակամութիւնն են յայտնում ծառայելու Օսմանեան հայրենիքին<sup>38</sup>։

Մեր համոզմամբ՝ կոտորածների կազմակերպիչների շուրջ լիարժէք պատկերացումներ չունենալու հանգամանքով պէտք է բացատրել դրանց պատճառներին առնչուող՝ հայ հոգեւոր գործիչների մակերեսային մեկնարանութիւնները։ Թերեւս ի վիճակի չինելով ըմբռնելու Հայոց Յեղասպանութեան հերթական փուլի իրականացման բուն պատճառները (մեծ թիւով հայերի կենտրոնացում՝ 1894-1896ի կոտորածներից խուսափած Աղանայում, գարնան ամիսներին կայսրութեան տարրեր շրջաններից հայ մշակների հոսքն Աղանա, կիլիկիահայերի բարգաւած վիճակը, առեւտրի, արդիւնարերութեան, զիւղատնտեսութեան ոլորտներում հայերի ծաւալած գործունէութեան արգելակման ցանկութիւն)<sup>39</sup>, նրանք անտեսելով դրանց գերակշռող մասը, ուշադրու-

176 - 2007



թիւնը կենտրոնացրել են երկրորդական հանգամանքների վրայ։ «Սիակ բանը, ինչը կարող էր մեզ՝ քրիստոնեաներին այս դժբախտութիւնների զոհը դարձնել, կարող է լինել նախ՝ մեր կրօնը, մեր ծգտումը դեպի առաջադիմութիւն, սահմանադրութեան հոչակման ժամանակաշրջանում մեզ համակած ուրախութիւնը», - նշում է վաւերագրերից մէկում<sup>40</sup>։ Չնայած վերջին փաստարկն ունեցել է որոշակի նշանակութիւն<sup>41</sup>, նրանք, այդուհանդերձ, հերքում են սահմանադրութեան հակառակորդների հիւսած դաւերին առնչուող վարկածը, ըստ որի իրադարձութեան պատճառ է դարձել բացառապէս հայերի նուիրուածութիւնը սահմանադրութեանը։ Այս կարծեցեալ փաստարկի կապակցութեամբ, նրանք միանգամայն իրաւամբ մատնանշում են, որ սահմանադրութեան կողմնակիցների թւում եղել են ոչ միայն հայեր, այլեւ երիտթուրքեր։ Այս առիթով նրանց գրութիւններից մէկում նշում է. «Ոչինչ անելի անհմաստ եւ անհերեթ չէ, որքան քրիստոնեաներին յեղափոխական [իմա' յեղաշրջական - Վ.Պ.] բնութագրելը..., քանզի սահմանադրական վարչակարգի բարերարութիւնները եւ առաւելութիւնները չընդունելը քրիստոնեաների կողմից կը լինի ամենամեծ անհերեթութիւնը»<sup>42</sup>։

Ըստ այդմ՝ Աղանայում տեղի ունեցած կոտորածները նրանք պատճառարանում են կոստանդնուպոլսում սուլթանական յեղաշրջմամբ։ Լրութեան մատնելով երիտթուրքերի դերը կիլիկիահայութեան բնաջնջման գործընթացում, նրանք, այդուհանդերձ, մատնանշելով վիլայէթի ամրող տարածքում կոտորածների, աւերածութիւնների եւ կողոպուտների միաժամանակ սանձազերծուելու փաստը, յանգում են այն հետեւութեան, թէ խօսքն, անտարակոյս, վերաբերում է վաղօրօք կազմակերպուած եւ մշակուած ծրագրի հիման վրայ իրականացուած իրադարձութեան<sup>43</sup>։

Հայկական կոտորածների հրահրիչներին հայ հոգեւոր առաջնորդներն անուանում են «երկրի եւ ազգի» թշնամիներ, որոնք գրգռել են մահմեդական բնակչութեանը եւ կեղծ լուրերի միջոցով նրա մօտ առաջ բերել Հակահայ տրամադրութիւններ՝<sup>44</sup>։ Նրանց խիստ քննադատութեան թիրախում մշտապէս գտնւում է Զեւադ բէյը, որը որեւէ միջոց չի ձեռնարկել կարգ ու կանոնը պահպանելու համար։ Ըստ նրանց՝ Հակահայ ասէկոսէների ստայօդութեանը քաջատեղեակ Զեւադը՝ 1909 Ապրիլի 13ին տեղի ունեցած մահմեդականների հաւաքներից մէկի ընթացքում ոչնչ չի ձեռնարկել դրանք հերքելու համար եւ նրա ակնյայտ անտարե-

րութիւնը մեծապէս օժանդակել է կոտորածների սանձազերծմանն՝ ամբոխի կողմից<sup>45</sup>:

Հայ հոգեւոր գործիչների կարծիքով կոտորածների կանխամտածուածութեան մասին է վկայում նաեւ այն փաստը, որ թէ՛ Աղանայում եւ թէ՛ յարակից տարածաշրջաններում Զեւաղն անմիջապէս ընդառաջել է մահմեղականների՝ իրենց զէնք տրամադրելու պահանջին: Ինչ վերաբերում է զօրքերի՝ կոտորածների երկրորդ փուլին ունեցած մասնակցութեանը, ապա նրանք շեշտում են, մասնաւորապէս Ռեմզի փաշայի չարագուշակ դերը: Նրա կարգադրութեամբ զինուորները յարձակուել են հայերի վրայ, մեծաքանակ զոհերի պատճառ դարձել, «իրականացրել սարսափելի աւերածութիւններ», հրկիզել եկեղեցիներ ու հայերի պատկանող տներ<sup>46</sup>:

Ի վերջոյ, Զեւաղին եւ Ռեմզիին նրանք համարում են ոչ միայն Աղանայում, այլեւ ամբողջ վիլայէթում «յանցագործ շարժման» գլխաւոր պատասխանատուներ, որոնց տարրեր վայրեր առաքած հեռագրերը նպաստել են կիլիկիահայութեան ընաջնջման գործընթացի ծաւալմանը: Հայկական կոտորածների վերսկումը հայ հոգեւոր առաջնորդները պայմանաւորում են նրանց գործունէութեամբ, ինչը վկայում է գործողութիւնների կանխամտածուածութեան եւ նախապատրաստուած լինելու, այլ ոչ թէ տեղական իշխանութիւնների՝ դրանք կանխելու հարցում անզօրութեան մասին<sup>47</sup>:

Ինչպէս տեսնում ենք, 1909ի Հայոց Յեղասպանութեան հերթական փուլի հայազգի ժամանակակիցները կոտորածների կազմակերպման պատասխանատուութիւնը, ըստ էութեան, բարդում են գլխաւորապէս Կոստանդնուպոլսում իշխանութեան եկած սուլթանական վարչակարգի եւ տեղական Օսմանեան պաշտօնեանների վրայ, երիտթուրքերին ամբողջութեամբ զերծ պահելով փոքրիսկ պատասխանատուութիւնից: Ուստի՝ կարելի է կարծել, որ նոյնիսկ կիլիկիահայութեան հոգեւոր առաջնորդները, ինչպէս եւ կիլիկիայում ընակուող նրանց հայրենակիցները, ըստ էութեան, չեն կողմնորոշուել Օսմանեան կայսրութիւնում տեղի ունեցող բարդ քաղաքական տեղաշարժերի էութեան մէջ, 1908ի յեղափոխութեան հետեւանքով իշխանութեան եկած՝ ազգամիջեան փոխյարաբերութիւնների ասպարէզում երիտթուրքերի վարած երկդիմի քաղաքականութեան ոլորտում, չեն ունեցել դեռեւս ամբողջական պատկերացումներ նրանց որդեգրած՝ կայսրութեան տարածքում ընակուող ժողովուրդների բռնի օսմանացման քաղաքականութեան շուրջ եւ գըտնուել են խորին մոլորութեան մէջ՝ անհիմն յոյսեր կապելով սահմանադ-

ըութեամբ հոչակուած սկզբունքների կենսագործման հետ։ Հետեւարար, միանգամայն օրինաչափ է, որ նրանք իրրեւ կոտորածների իրական պատասխանատուների պարբերաբար ներկայացրել են ոչ միայն սուլթանական վարչակարգի կողմնակիցներին, այլեւ մահմեղական մի խումբ մոլեռանդների, որոնք դժուհ 1908ին երկրում տեղի ունեցած յեղաշրջումից, ջանացել են սահմանադրական վարչակարգը տապալելու նպատակով բնակչութեան մէջ տարածայնութիւններ սերմանել, յայտարարելով, թէ սահմանադրութիւնն անհամատեղելի է խորամական կրօնքի սկզբունքների հետ<sup>48</sup>։

Պարբերաբար շեշտելով Ցեղասպանութեան իրականացման հարցում կանխամտածուածութեան հանգամանքը, ժամանակի հայ հոգեւոր գործիչներն, այդուհանդերձ, անկեղծ հաւատով լի երիտթուրքերի խոստումների հանդէպ, նրանց սխալմամբ համարել են հայ ժողովրդի նկատմամբ բարեացակամօրէն տրամադրուած քաղաքական ոյժ եւ փոքր-իսկ կասկած չեն տածել, որ նրանք կարող էին նոյնիսկ կիլիկիահայութեան կոտորածների մեղսակիցը լինել։

Միաժամանակ, սակայն, նրանցից ոմանք գիտակցել են իրենց իսկ անզօրութիւնը՝ հայկական կոտորածների իրական պատճառներում ամրողջութեամբ կողմնորոշուելու հարցում։ Այս առումով, յատկանշական է Աղանայի հոգեւոր առաջնորդների՝ 1909 Նոյեմբերին Օսմանեան պատգամաւորներին յղած գրութիւնը, ուր մասնաւորապէս նշեում է. «Այս իրադարձութիւնների իրական պատճառը մեզ համար մնում է անթափանցելի առեղծուած»<sup>49</sup>։

Ըստ այս հաւաստման՝ հարկ է չանտեսել եւս մէկ հանգամանք։ Զիրացառում, որ երիտթուրք պարագլուխներին յղած փաստաթղթերում հայ հոգեւոր առաջնորդները կիլիկիահայութեան բնաջնջման փորձի պատասխանատուութիւնը համիդեան վարչակարգի վրայ բարդել են գուցէ գիտակցաբար՝ իշխանութեան եկած քաղաքական նոր ուժերի հականայ տրամադրուածութիւնն աւելի չբորբոքելու մտադրութեամբ եւ ծածուկ յոյսեր են տածել, որ երիտթուրքերը կը վերանայեն հայ ժողովրդի հանդէպ նախսկին վարչակարգի որդեգրած քաղաքականութիւնը<sup>50</sup>։

## ԹՈՒՐՔ ՊԱՇՏՈՆԱՏԱՐՆԵՐԻ ՈՒ ՀԱՅ ՀՈԳԵՒՈՐԱԿԱՆՆԵՐԻ ԳՐԱԴՐՈՒԹԻՒՆՆԵՐ

Ի տարբերութիւն Հայոց Ցեղասպանութեան այս կամ այն փուլի պատմութիւնը լուսարանող փաստաթղթերի հրատարակութիւնների, Բրեգոլի ժողովածուին բնորոշ է մի առանձնայատկութիւն՝ դրանում

ամփոփուած են տարածաշրջանի թուրք բարձրաստիճան պաշտօնեաների՝ Աղանայի կոտորածների առնչութեամբ որդեգրած զիրքորոշումն ու առաջադրած մեկնարանութիւններն արտացոլող վաւերագրեր: Առաւել կարեւոր են Զեւաղի՝ Ներքին Գործերի նախարարութեանը յղած գրութիւնները, որոնցում կեղծելով փաստերը, նա պարբերաբար լիշատակում է 1909 Ապրիլի 1ին Աղանայում բնակուող մահմեղականների եւ քրիստոնեաների միջեւ արձանագրուած «յուզումներ»ի մասին, որոնք մարել են միայն իր ենթակայութեան տակ եղած զօրքերի միջամտութեան շնորհիւ<sup>51</sup>:

Առանց մեկնարանելու, թէ ինչ նկատի ունի «յուզումներ» յեղիղուկ արտայայտութեան տակ եւ գերադասելով ձեռնպահ մնալ դրանց իրական պատճառների բացայայտման մէջ թափանցելուց, Զեւաղը «յուզումներ»ի պատասխանատու է համարում մի քանի հայազգի Փիտայիների, չմոռանալով սակայն ընդգծել, որ այս հարցի շուրջ իր տեղեկութիւններն իրը ստացել է արժանահաւատ սկզբնաղբիւրներից<sup>52</sup>: Եւրոպացի ժամանակակիցներին, ինչպէս նաեւ ապագայ սերունդներին ապակողմնորոշելու մտադրութեամբ՝ նա կառավարութեանը յղած ճեպագրերում հայկական կոտորածների փաստը քօղարկելուց զատ դիմում է հերթական բացայայտ կեղծիքի, նշելով, թէ իրը Աղանայում պաշտպանութեան տակ են գտնուել ոչ միայն օսմանահպատակների թաղամասերը, այլեւ եւրոպացիներին պատկանող հաստատութիւնները<sup>53</sup>: Իրականում, եւրոպացի միսիոնէրներին պատկանող հաստատութիւնների գերակշռող մասն Աղանայում աւերուել է եւ հրկիզուել<sup>54</sup>:

Դեռեւս կոտորածների առաջին օրերին իրավիճակը կարգաւորելու միակ հնարաւոր միջոցը Զեւաղը համարում է բացառապէս զինուած ուժերի միջամտութիւնը: Թէ՛ իրեն գովարանելու եւ թէ՛ հայերի նկատմամբ գործադրուած վայրագութիւններն արդարացնելու նպատակով, նա բազմիցս տեղեկացնում է հարեւան տարածաշրջաններից թուրքական զօրքերն Աղանա տեղափոխելու համար ձեռնարկած իր միջոցառումների մասին, ինչպէս նաեւ մատնանշում այն վայրերը, որտեղից հարկ է, որ նոր զինուած ուժեր փոխադրուեն Աղանա կամ Մերսին: Այս հարցում եւս՝ հաւատարիմ եւրոպական հանրութեանն ապակողմնորոշելու իր մարտավարութեանը եւ քօղարկելով զօրքերն Աղանա փոխադրելու իրական նպատակը, որն էր հայկական կոտորածների երկրորդ փուլի իրականացումը, Զեւաղն իր ձեռնարկած գործողութիւնները պատճառաբարանում է Մերսինում հաւատարմագրուած օտարերկրեայիւպատուներին պաշտպանելու անհրաժեշտութեամբ<sup>55</sup>:

Ի դէպ, Զեւաղից բացի կիլիկեան կոտորածների ընթացքում զօրքերի դերին մեծ նշանակութիւն են յատկացնում նաեւ Օսմանեան այլ պաշտօնեաներ: Զերէլ Բերեքէթի մութասարիֆ Ասաֆ բէյը եւս քաջ գիտակցելով զինուորների օժանդակութեան անհրաժեշտութիւնը հայերին բնաջնջելու գործընթացում, Ներքին գործերի նախարարութեանն առաջարկում է Բաղչէ<sup>57</sup> ուղարկել Խոլահիէում եւ Օսմանիէում տեղակայուած զօրքերը՝ մահմեդական բնակչութեանը պաշտպանելու պատրուակով<sup>58</sup>: Հիմնաւորելու համար զօրքերի ներկայութեան անհրաժեշտութիւնն, Ասաֆ բէյը նշում է Ապրիլի Յին Դէօրթ Եոլում 400 հայի ձեռնարկած միջոցառումների մասին, որոնք կտրել են ծառերը, կառուցել բարիկադներ, չընդունելով, սակայն, դրանց ինքնապաշտպանական ընոյթը: Դէօրթ Եոլ զօրքեր ուղարկելու խնդրանքով նա դիմել է նաեւ Ներքին Գործերի նախարարութեանը, յիշատակելով, որ քզիստոնեաների թիւն այնտեղ գերազանցում է հինգ հազարը, իսկ տեղի հայերին միաժամանակ ներկայացրել է իրրեւ նախայարձակ կողմի, որն ի տարբերութիւն ընդամէնը մահակներ ունեցող մահմեդականների, զինուած է եղել հրազէնով եւ նոյնիսկ հրակոծել է բնակչութեանը<sup>59</sup>: Այլ կերպ ասած՝ նա, փաստօրէն, թուարկում է հայերի ձեռնարկած ինքնապաշտպանական մարտերին առնչուող մանրամասներ, չցանկանալով սակայն, դրանց շուրջ առաջադրել անկողմնակալ մեկնարանութիւններ: Նրա թղթակցութիւնների ուշիմ ընթերցումն, այդուհանդերձ, յանգեցնում է միայն միակ հնարաւոր եւ նրա դիրքորոշմանը հակասող հետեւութեան, որը հաւաստում է հայերի պատրաստութիւնների ինքնապաշտպանական ընոյթը:

Խոզանի մութասարիֆ Հասանը եւս անուղղակիօրէն վկայում է հայերի ինքնապաշտպանական մարտերի մասին: Նա, սակայն, բնորոշում է դրանք իրրեւ ակնառու փաստ, որը «միայն յաւելել է մահմեդական բնակչութեան գրգուածութիւնը»: Ըստ այդմ՝ նա եւս իրավիճակը կարգաւորելու, հայերի «ըմբոստութիւնը» ճնշելու պատրուակի տակ՝ պահանջում է զօրքերի առնուազն մէկ գումարտակ<sup>60</sup>:

Ի տարբերութիւն Զեւաղի՝ նրան փոխարինած Աղանայի նոր կուսակալ Մուսթաֆա Զիւնին ընդունում է՝ վարչական տեսակէտից Հալէպի վիլայէթին ենթակայ Կերէք-Խան գիւղում հայկական կոտորածների իրողութիւնը<sup>61</sup>: Սակայն կեղծելով Կիլիկիայում հայերի գոհերի թուաքանակը, որը սահմանում է 10000, զոհուած հայերի՝ 30000ի հասնող թիւը համարում է զրպարտութիւն եւ նշում, որ այն հարկ է հերքել<sup>62</sup>:

Ինչպէս տեսնում ենք, թուրք բարձրաստիճան պաշտօնեաներն Ադանայի տարածաշրջան Օսմանեան զօրքեր հրաւիրելու հանգամանքը փորձում են Հիմնաւորել մահուան դատապարտուած Հայերի կարծեցեալ ապստամբական գործողութիւնները սանձահարելու մտադրութեամբ։ Նրանց գրագրութիւններն իրականում անուղղակիօրէն հաւաստում են կիլիկեան կոտորածների ընթացքում տարրեր վայրերում Հայերի ինքնապաշտպանութեան փաստը, ինչը, սակայն, ներկայացւում է իրրեւ մահմեղականների համար սպառնալիք ներկայացնող գործողութիւններ։ Իրականութիւնը խեղաթիւրելու նման մօտեցումը պատահական չէ, քանզի 1909ի կոտորածների երկրորդ փուլի ընթացքում, զօրքերը, միրաւի, ունեցել են նշանակալից դեր, ուստի՝ Օսմանեան պաշտօնեաների առջեւ ծառացել է Նրանց ներկայութիւնն Ադանայում եւ յարակից վայրերում արդարացնելու անհրաժեշտութիւնը։

Հայերի ինքնապաշտպանական մարտերին առնչուող հարցն անկողմնակալ դիրքերից քննարկել են տարրեր Հայ Հեղինակներ, որոնք յաւուր պատշաճի արժեւորել են, մասնաւորապէս ինքնապաշտպանութեան կազմակերպիչներից մէկի՝ Զին Թորոսի գործունէութիւնը Կարս Փազարում եւ Չորք Մարզպանում։ Նա փրկել է 6000 մարդու կեանք<sup>62</sup>։ «Ընորիի Զին Խորոսի քաջութեան եւ խելամտութեան Կարս Փազարում եւ դրա շրջակայրում հարիւրաւոր մարդիկ պահպանում են իրենց գոյութիւնը», - գրում է Հեղինակներից մէկը<sup>63</sup>։ Հայերի կարծեցեալ մեղսակցութեան առիթով փաստաթղթերից մէկում ոչ առանց հեզնանքի նշւում է, որ Չորք Մարզպանում Հայերին մեղաւոր են համարում, քանզի «նրանք կենդանի են մնացել՝ զենքով պաշտպանելով իրենց ընտանիքների կեանքն ու պատիւը»<sup>64</sup>։

Դէօրթ Եոլի, Փայասի եւ շրջակայքի Հայ քահանայ Սահակը՝ Հայոց պատրիարքարանին Ալեքսանդրէտից յղած՝ Մայիսի 10ի թուակիր նամակում Հաստատելով Ապրիլին տեղի ունեցած կոտորածի փաստը, խոստովանում է, որ Հայերը «միշտ ծառայել են կառավարութեանը եւ հայրենիքին»՝ երբեւէ որեւէ այլ նպատակ չհետապնդելով։ Հայերի գործածմիակ մեղքը նա համարում է յանուն գոյատեւման նրանց պայքարը<sup>65</sup>։

Այս վկայութիւնները Հիմնաւորապէս հերքում են թուրք պաշտօնեաների յերիւրանքները Հայերի անհնագանդ, նախայարձակ լինելու մասին, ինչն ըստ առաջին տպաւորութեան՝ Նրանց Հարկադրել է դիմելու զօրքերի օժանդակութեանը։

Ժողովածուում հրատարակուած որոշ փաստաթղթեր՝ յղուած գլխաւորապէս Հայոց Պատրիարքարանին, բացայայտում են Կիլիկիայի

մերձակայ տարածաշրջաններում բնակուող հայ ականատեսների մօտեցումները, որոնք էականօրէն չեն զանագանւում կիլիկեան հայազգի գործիչների դիրքորոշումից: Դրանցում եւս փաստւում է, մասնաւորապէս Օսմանեան տեղական պաշտօնեաների ղեկավար դերը հայկական կոտորածներում: Հալէպից Ապրիլի 19ին պատրիարքարանին յղուած ճեպագրում ողբերգութիւնը պատճառաբանւում է միայն Աղանայի ղեկավարների անվճռականութեամբ: Տարածաշրջանում վերջին կոտորածների պատասխանատու ճանաչուում է տեղի ժանդարմների ղեկավար Սերհան աղան, որը «զիսատրելով զինուած հրոսակախումբը՝ անգրաբար կոտորում էր եւ կողոպտում»<sup>88</sup>: Ալեքսանդրէտում բնակուող հայերը բացայայտում են Ասաֆ բէմի չարագոյժ դերը Զերէլ Բերեքէթում հայերի բնաջնջման գործընթացում: Նա զինել էր 30000 յելուզակի, որից յետոյ նրանք յարձակուել են գիւղերի եւ Այս քաղաքի վրայ, ոչնչացրել բնակիչների մեծամասնութեանը»<sup>89</sup>:

Որոշակի հետաքրքրութիւն են ներկայացնում ժողովածուում ամփոփուած՝ պաշտօնատար անձանց եւ կոտորածների հետաքննութիւնը վարած տարրեր յանձնաժողովների զեկուցագրերը, որոնք արտացոլում են կոտորածների իրողութիւնը հաւաստող՝ յանձնաժողովների անդամների կարծիքները եւ հերքում՝ Աղանայի թուրք ղեկավար գործիչների խեղաթիւրումները: Թուրքական պաշտօնական դիրքորոշման մասին պարզորոշ վկայում է, մասնաւորապէս Զեւադ բէմի՝ Մայիսի 12ի թուրակիր՝ Բարձր Դռանը յղած զեկուցագիրը, ուր Աղանայի նախկին կուսակալը «խոռվութիւններ»ի պատասխանատու է ճանաչում միայն հայերին<sup>90</sup>: Կեղծելով փաստերը նա նրանց ներկայացնում է իրրեւ նախայարձակի, որոնք սպանել են թուրքերին եւ Աղանայում անկարգութիւնների հրահրման պատճառ դարձել: Գրաւարարուելով, սակայն, նման յայտարարութիւններով, Զեւադն այս զեկուցագրում ջանում է հիմնաւորել հայերի՝ Օսմանեան պետութեան ղէմ նիւթած կարծեցեալ դաւադրութեան վարկածը եւ նրանց վրայ է բարդում շինծու մեղադրանքներ, ինչպիսիք են խուզարկութիւնների հետեւանքով նրանց տներում պայթուցիկ նիւթերի, ուումբերի, նոյնիսկ թնդանօժների յայտնաբերումը:

Ի տարրերութիւն նախորդ գրութիւնների՝ այս փաստաթղթում Զեւադն, ի դէպ, առաջին անգամ օգտագործում է «կոտորածներ» բառը, ինչն ամէնեւին պատահականութեան արդիւնք չէ: Կոտորածների պատճառները, սակայն, նա մեկնարանում է այն «անիրազեկութեամբ», որում գտնւում էին մահմեղականներն ու քրիստոնեաները (ինչն, ըստ

նրա՝ պայմանաւորուած է եղել բռնակալական դարաշրջանով), ինչպէս նաև տարրեր ժողովուրդների՝ միեւնոյն տարածաշրջանում համախմբման ցանկութեան բացակայութեամբ, համակեցութեան անբաւարար ձգտումով<sup>69</sup>: Ակնյայտ է, որ սուլթանական վարչակարգի տապալումից յետոյ, Զեւաղն ընդունում է հայկական կոտորածների փաստը, սակայն դրանց պատասխանատութիւնը բարդում է միայն այդ վարչակարգի վրայ, նպատակ ունենալով վարկարեկումից ու մեղադրանքից զերծ պահել իշխանութեան եկած քաղաքական նոր ուժերին: Միաժամանակ նա փորձում է հիմնաւորել երիտթուրքերի առաջադրած զանազան սին եւ վտանգաւոր կարգախօսների (մասնաւորապէս օսմանացման քաղաքականութեանն առնչուող) հնարաւոր արդիւնաւէտութիւնը Օսմանեան Կայսրութիւնում ազգային հարցի կարգաւորման խնդրում:

Կիլիկիահայութեան կոտորածների նկատմամբ թուրքական պաշտօնական դիրքորոշումը բացայայտում է ժողովածուում զետեղուած փաստաթղթերից մէկում՝ 1909 Յուլիսին Աղանայի ռազմական դատարանին ներկայացուած զեկուցագրում։ Վաւերագրի հեղինակներն իրադարձութեան պատասխանատութիւնն ամբողջութեամբ բարդում են Հայերի վրայ, որոնք «ազատութեան հոչակում»ից, այն է՝ 1908ին 1876ի Օսմանեան սահմանադրութեան վերահաստատումից յետոյ զինուել են, իսկ Հայկական կուսակցութիւնները նրանց մօտ արթնացրել են «ինքնավարութեան զաղափարը»<sup>70</sup>: Միաժամանակ իբրեւ Աղանայի «ցաւալի իրադարձութիւններ»ի պատճառներից մէկը՝ մատնանշւում է Օսմանեան իշխանութիւնների թողտուութիւնը, «արտասովոր եւ անների լի բոլութիւն»ը։ Թուրքերի եւ Հայերի միջեւ ստեղծուած գերլարուած իրադրութեան պայմաններում ձեռնպահ մնալով Հայկական կոտորածների սանձազերծման պատասխանատութիւնը բացայայտօրէն տեղական իշխանութիւնների վրայ բարդելուց՝ փաստաթղթի հեղինակներն, այդուհանդերձ, ընդունում են դրանց հաւաստիութիւնը, մասնաւորապէս նշելով, որ մահմեղական բնակչութիւնն իրականացրել է վայրագութիւններ՝ «կարծելով, թէ կառավարութիւնը պաշտօնապէս թոյլատրել է հայերի կոտորածները»<sup>71</sup>: Ինչպէս տեսնում ենք, չնայած իրադարձութեան իրական պատճառների շրջանցմանը, պետական քաղաքականութեան մակարդակով Հայոց Յեղասպանութեան հերթական փուլի իրականացման ժիւտմանը եւ Հայերին՝ «յուզումներ»ի գլխաւոր մեղաւորներ ներկայացնելու միտումին, փաստաթղթի հեղինակներն, այնուամենայիւ, ընդունում են իշխանութիւնների դրսեւորած անտարբերութիւ-

նը, ինչը յանգեցրել է, ըստ նրանց՝ անկառավարելի կացութեան եւ իրբեւ դրա հետեւանք՝ հայկական կոտորածների:

Հարկ է մեկնարանել, որ երիտթուրքերի իշխանութեան գալուց յետոյ կազմուած այս վաւերագրում, ակնարկելով Օսմանեան իշխանութիւնների անվճռականութեանը, հեղինակները միաժամանակ գիտակցարար չեն յստակեցնում, թէ ո՞ր վարչակարգն է կրում նման դիրքորոշման պատասխանատութիւնը եւ զրանով իսկ նրբանկատօրէն քօղարկում երիտթուրքերի՝ կոտորածներին ունեցած մեղսակցութիւնը:

Օսմանեան ղեկավարների դիրքորոշման մասին է վկայում նաեւ Մեծ Վեզիր Հիլմիի՝ նահանգային իշխանութիւններին յղած շրջարերականը, որով կիլիկեան կոտորածների մեղաւոր ճանաչում են պետական որոշ պաշտօնեաններ, մասնաւորապէս պահպանած լոռութեան համար: Նրանց լոռութիւնը ոչ միայն բարդացրել է իրավիճակը, այլեւ խաժամուժին առիթ է տուել անյարգալից վերաբերուելու նոյնիսկ կառավարութեանը: Կիլիկիայում «ցաւալի իրադարձութիւններ»ի բռնկման միակ պատճառը Հիլմին համարում է պաշտօնեանների դրսեւորած անգործութիւնը, որոնք իրենց պարտքը «նուիրուածութեամբ եւ ինքնազոհութեամբ» չեն կատարել<sup>72</sup>:

Մեծ Վեզիրն ակնյայտօրէն քօղարկում է Օսմանեան կառավարութեան քաղաքականութեան հակահայ բնոյթը, միաժամանակ սակայն, ընդունում է հայերի նուիրուածութիւնն Օսմանեան պետութեանը<sup>73</sup>: Դրանով իսկ նա ակամայից հակահարուած է տալիս Օսմանեան զանազան ղեկավարների առաջադրած՝ հակապատմական եւ անճիշդ՝ հայկական կողմի նախայարձակ լինելուն առնչուող տեսակէտին:

Փոխարէնը՝ Օսմանեան իշխանութիւնների դիրքորոշման դատապարտման մասին են վկայում Աղանայում հետաքննութիւնը վարած կառավարական Հետաքննիչ Յանձնաժողովի պաշտօնական հաղորդագրութիւնները, որոնց ներքոյ ստորագրել են Օսմանեան խորհրդարանի եւ կառավարութեան կողմից կոտորածների հետաքննութիւնը վարելու համար Կիլիկիա ուղարկուած երկու պաշտօնեաններ՝ թուրք Ֆայիկ բէյը եւ հայազգի իրաւարան Յարութիւն Մոստիչեանը<sup>74</sup>, ինչպէս նաեւ տեղում նրանց աջակցած Մերսինի մութասարիֆ Էսսադ Ռէտիք բէյը: Նրանց քննադատութիւնն ուղղուած է յատկապէս իշխանութիւնների՝ կեղծ լուրեր տարածողներին պատժելու հարցում հանդէս բերած չկամութեան, ինչպէս նաեւ Զեւադի օգտագործած «յուզումներ» արտայացութեան դէմ, որը ենթադրել է տուել, թէ իրը հայերն ապստամբել են:

Այս ամէնի հետեւանքով, Հայերը կոտորուել են, նրանց բնակավայրերը հրկիզուել են, իսկ ունեցուածքը կողոպտուել է<sup>76</sup>:

Կոտորածները կազմակերպելու պատճառարանութեամբ խիստ քննադատութեան է ենթարկւում Ձեւադը, որը «զլացել է դիմելու որեւէ միջոցի յուզումներին խոչընդոտելու համար» եւ «չի ծեռնարկել որեւէ գործնական քայլ կանխարգելելու համար աղետալի ծրագրերի իրականացումը»<sup>78</sup>: Հիմնաւորապէս բացայայտում է Ձեւադի ղեկավար դերը կիլիկիահայութեան կոտորածների երկրորդ փուլի իրականացման ընթացքում: Պարզաբանւում է, մասնաւորապէս այն հարցը, որ լարուած իրավիճակը լիցքաթափելու նպատակով, Ապրիլի 12ին Աղանա ժամանած զօրքերին նա խարել է՝ Հայերին նրանց ներկայացնելով իրրեւ նախայարձակ կողմի եւ դրանով իսկ հրահրել կոտորածների երկրորդ փուլը՝ շատ աւելի սարսափելի, քան առաջինը<sup>77</sup>: Միաժամանակ յղելով անսքող փաստեր, հաղորդագրութեան հեղինակները եզրակացնում են, որ եթէ տեղական պաշտօնեաները ցանկութիւն դրսեւորէին, կարող էին կանխել «յուզումներ»ը<sup>78</sup>:

Ընդհանուր առմամբ, յանձնաժողովի անդամները հիմնաւորապէս բացայայտում են Հայկական կոտորածներում ներգրաւուած՝ Օսմանեան տեղական պաշտօնեաների պատասխանատուութիւնը: Իրրեւ Ձերէլ Բերեքէթ սանջակում իրականացուած կոտորածների, հրկիզումների եւ կողոպուտների գլխաւոր պատասխանատուի՝ նշում է մութասարիֆ Ասաֆ բէյի անունը, որն իր հեռագրերով հրահրել է «յուզումներ»ը եւ զինել յելուզակներին<sup>79</sup>: Թէպէտ փաստաթղթում ամրողջութեամբ չի յստակեցւում կոտորածների իրական կազմակերպիչների ինքնութիւնը, այդուհանդերձ, ակնարկներ կան սոսկ «ատելի բռնակալութեան» կողմնակից մահմեդականների մասին: Առաւել պարզորոշ այս խնդիրը լուսաբանել է Մոստիչեանը, որը զեկուցագիրը ստորագրելուց առաջ նշել է, թէ վկայակոչուած գործողութիւնների մեծամասնութիւնն «իրականացրել են յետադիմականները»<sup>80</sup>: Ըստ այս հաւաստումներին եւս՝ իրադարձութեան պատասխանատու ճանաչւում է միայն սուլթանական վարչակարգը: Դա վկայում է, հաւանաբար, ըստ վերից տրուած հրահանգի՝ յանձնաժողովի անդամների կանխակալ մօտեցման մասին, ինչը յանգեցրել է Հարցի ընդգծուած միակողմանի մեկնարանութեանը եւ հետապնդել երիտթուրքերին կոտորածներին անմասնակից ներկայացնելու նպատակ:

Կիլիկիան կոտորածների բացայայտմանը մեծապէս նպաստել են Օսմանեան խորհրդարանի կողմից՝ տեղում հետաքննութիւն անցկացնելու

նպատակով թուրք պատգամաւոր Եռևսուժ Քեմայի հետ Կիլիկիա գործուղղուած հայազգի երիտթուրք պատգամաւոր Յակոր Պապիկեանի<sup>81</sup> զեկուցագրից՝ ժողովածուում զետեղուած որոշ հատուածների<sup>82</sup>: Պապիկեանը հիմնուելով հետաքննութեան արդիւնքների վրայ, հաւաստում է Աղանայում հայկական թաղամասերի վրայ թուրքերի նախայարձակ լինելու, իսկ հայերի՝ հարկադրաբար ինքնապաշտպանութեան դիմելու իրողութիւնը, ինչի հետեւանքով սպանուել են որոշ գրոհայիններ: Դրանով իսկ Պապիկեանը բացառում է հայերի ապստամբութեան վարկածի հաւանականութիւնը, իսկ փոխարէնը պնդում, որ խօսքը կարող է վերաբերուել միայն քրիստոնեաներին անգթօրէն կոտորելու նպատակ հետապնդող՝ «կանխամտածուած, զինուած» գործողութեան<sup>83</sup>:

Կոտորածների երկրորդ փուլի կապակցութեամբ եւս նա ապացուցում է, որ հայերը որեւէ առիթ չեն տուել բռնութիւնների գործադրման համար, քանզի չեն ունեցել ո՛չ զէնք ու զինամթերք, ո՛չ ուումքեր, չնայած այդ կապակցութեամբ Զեւադի տարածած կեղծ լուրերին: Ի վերջոյ, Պապիկեանը եզրակացնում է, որ կոտորածը հետապնդել է հայերի եւ քրիստոնեաների բնաջնջման նպատակ<sup>84</sup>: Ինչպէս տեսնում ենք, Պապիկեանը հիմնաւորապէս հերքում է հայերի ապստամբութեան՝ իրականութեան հետ հեռաւոր առնչութիւն իսկ չունեցող վարկածը, ինչն իրադարձութեան անկողմնակալ մեկնարանութեան հարցում նրա մեծ ներդրումն է:

Ժողովածուի հրատարակիչը սակայն, դուրս է թողել Պապիկեանի զեկուցագրի վերջաբանի ամենակարեւոր հատուածը, որտեղ նա հաւաստում է երիտթուրքերի մեղսակցութիւնը կիլիկեան կոտորածներին. «Վերջացնելէ առաջ ստիպուած եմ ամենախորը ցաւով աւելացնելու, որ «Դրբիհատ եւ Թերաքքը» կուսակցութեան անդամները Ատանայի վայրագ եղերերգութեան կազմակերպման եւ գործադրութեան մասնակցած են: Այս իրողութիւնը հաստատուած է նահանգին զանազան տարրերուն կողմէ, իհիպատոսներէ, ամերիկացի միսիոններներէ եւ լատին քահանաներէ»<sup>85</sup>:

Փոխարէնը, Պապիկեանի զեկուցագրից Բրեգոլը զետեղել է այնպիսի հատուածներ, որոնցով հեղինակը բացայատում է «յետադիմականներ»ին եւ շեշտում, որ հայերը դարձել են սուլթանական վարչակարգի կողմնակիցների զոհը<sup>86</sup>: Պատահական չէ, որ ժողովածուում ամփոփուած՝ կոտորածների երկրորդ փուլի առիթով Պապիկեանի դիտարկումներն առնչում են, մասնաւորապէս ժանդարմների՝ հայերին ցուցաբե-

բած օգնութեան եւ ապաստան յատկացնելու փաստերին, զինուորների հակասահմանադրական եւ սուլթանամէտ բացականչութիւններին<sup>87</sup>:

Բրեգոլի նման դիրքորոշումը կարելի է, հաւանարար, մասամբ մեկնարանել այն հանգամանքով, որ նա թերեւս յոյսեր է կապել կիլիկիահայերի իրավիճակի բարելաւման հարցում իշխանութեան եկած քաղաքական նոր՝ սահմանադրական ուժերի հետ եւ, հաւանարար, չի ցանկացել նրանց աւելի գրգռել: Չի բացառւում նաեւ, որ երիտթուրքերի հանդէպ ակնկալիքներով լի հրատարակիչը գերադասել է սքօղել կոտորածներին ունեցած նրանց վճռական դերը՝ գերլարուած իրավիճակը լիցքաթափելու մտադրութեամբ:

Ժողովածուն ընդգրկում է մեծ թուով փաստաթղթեր, որոնք աներկրայօրէն վկայում են որոշ թուրք բարձրաստիճան պաշտօնեաների՝ հայերին ցուցաբերած օգնութեան մասին: Հայազգի Վ. Ուզունեանը յիշատակում է Քեսարի «յիրաւի սահմանադրական» մութասարիֆ Մեհմէդ Այի բէյի մասին, որի ջանքերի շնորհիւ փրկուել է 7000 հայի կեանք<sup>88</sup>: Լստ վաւերագրերի՝ հայերին օգնութեան ձեռք է մեկնել նաեւ Վահկայի կառավարիչ Նուրի բէյը, որն Ազանայի կոտորածների լուրն ստանալուն եւեթ անհրաժեշտ միջոցներ է ձեռնարկել դրանք իր ենթակայութեան ներքոյ գտնուող տարածաշրջանում կանխելու համար<sup>89</sup>: Թուրք բարձրաստիճան պաշտօնեաների թւում յիշատակում է նաեւ Մերսինի մութասարիֆ գնդապետ Մելէֆը, որը «եռանդազին ծեուով պաշտպանել է քրիստոնեաներին եւ չի թոյլատրել, որ քաղաքում ոճագրութիւններ կատարուեն»<sup>90</sup>: Վաւերագրերը փաստում են նաեւ այլ տարածաշրջանների (Օսմանիէ, Այնթար եւն.) վարչական դեկավարների<sup>91</sup>, ինչպէս նաեւ սակաւաթիւ թուրք քաղաքացիների հայանպաստ դիրքորոշումը<sup>92</sup>:

Ժողովածուում գետեղուած որոշ փաստաթղթեր վերաբերում են եւրոպացի դիւանագէտների՝ հայերին ցուցաբերած օգնութեանը: Դրանցից մէկում նշւում է Քեսարում Ֆրանսիայի փոխհիւպատոս Պոթոնի (Pothon) մասին, որի «մարդասիրական գործողութիւնները ցանկացած գովեստից վեր են»<sup>93</sup>: Այդուհանդերձ, հարկ է նշել, որ սոյն ժողովածուի հրատարակիչը չի հրատարակել եւրոպական տէրութիւնների՝ սոսկ դիտորդի դեր ստանձնած դիրքորոշումն արտացոլող փաստաթղթեր, որոնք, հաւանարար նրան մատչելի չեն եղել:

Ամէն դէպօւմ, փաստաթղթերի սոյն ժողովածուի նշանակութիւնը մեծ է, քանզի այն միակ հրատարակութիւնն է, որը հնարաւորութիւն է ընձեռել ժամանակակիցներին, ինչպէս նաեւ յետագայ սերունդներին,

տարատեսակ սկզբնաղբիւրների համադրման միջոցով, պատկերացումներ կազմելու ոչ միայն 1909ի Կիլիկիայում եւ յարակից տարածաշրջաններում ծաւալուած հայկական կոտորածների, այլեւ հայազգի գործիչների եւ Օսմանեան ղեկավարների՝ իրադարձութեանը տուած մեկնարանութիւնների մասին: Ըստ այդմ՝ Բրեգոլի ժողովածուն առ այսօր պահպանում է իր գիտական եւ ճանաչողական նշանակութիւնը:

## LES MASSACRES D'ADANA ET NOS MISSIONNAIRES. RÉCIT DE TÉMOINS

1909ի Կիլիկիահայութեան ընածնջման պատմութեանը նուիրուած փաստաթղթերի միակ ժողովածուից զատ<sup>94</sup>, աղբիւրագիտական տեսակէտից որոշակի հետաքրքրութիւն է ներկայացնում նաեւ 1909ին Լիոնում անստորագիր լոյս ընծայուած *Les Massacres d'Adana et Nos Missionnaires. Récit de Témoin* գրքոյկը<sup>95</sup>: Հեղինակը նախընտրել է իրադարձութիւնների ընթացքն ականատեսների վկայութիւններից բերուած ընդարձակ քաղուածքներով ներկայացնելու ուղին, որը նրա մօտեցման առանձնայատկութիւնն է եւ վկայում է շարադրանքի նկարագրական ընոյթի մասին: Ուստի՝ կարելի է հաւաստել, որ գրքոյկը ձեռք է բերում գլխաւորապէս աղբիւրագիտական նշանակութիւն: Ելնելով թէ՝ շարադրանքի ոգուց եւ թէ՝ վերջին էջում զետեղուած ծանուցագրից («Խնդրում է նուիրատուութիւնները հասցեագրել Հայաստանի առաքելութեան պատասխանատու՝ պ. արքա Պիեռ Մազոյերին»), կարելի է ենթադրել, որ հեղինակը ֆրանսիացի միսիոնէր է, որը նիւթը շարադրել է Աղանայում գտնուած ֆրանսիացի միսիոնէրների (Հայր Բենուա, Հայր Սարատիէ, Հայր Տարէ եւ այլք) նամակների եւ այնտեղից Լիոն վերադարձած հոգեւորականների բանաւոր տեղեկութիւնների հիման վրայ, որոնք «քոլորն Աղանայի կոտորածների ականատեսներն են»<sup>96</sup>: Միսիոնէրներից զատ՝ անանուն հեղինակը յղում է նաեւ ֆրանսիացի եւ անգլիացի որոշ դիւնագէտների վկայութիւններ: Չնայած դրան, լինելով հոգեւոր գործիչ, հեղինակն իր տրամադրութեան տակ եղած սկզբնաղբիւրների ընձեռած հնարաւորութիւնների սահմաններում սահմանափակւում է Աղանայում միսիոնէրական հաստատութիւնների հրկիզման ու աւերման նկարագրութեամբ եւ խոստովանում, որ չի հետապնդում կիլիկեան անցքերի համապարփակ պատկերը բացայայտելու նպատակ<sup>97</sup>:

Նա մանրամասնօրէն անդրադառնում է Փրանսիացի միսիոնէրների գործունէութեանը եւ ծանրանում այն օժանդակութեան վրայ, որը նրանք ցուցաբերել են իրենց պատկանող հաստատութիւններում պատսպարուած հայերին: Հեղինակը «հերոսական» է համարում Փրանսիացի միսիոնէր՝ եղբայր Անտուանի արարքն Աղանայում, որը վտանգելով իր կեանքը՝ փրկել է հրկիզուող հայկական եկեղեցում ապաստանած 1500 հայի կեանք: Շեշտում է նաեւ հայր Բենուայի դերը՝ միսիոնէրներին պատկանող քոլէջներից մէկում հանգրուանած 800 հայի փրկութեան գործում<sup>98</sup>: Նա դրուատանքի խօսքեր է ուղղում նաեւ Բէյրութում գտնուող Սէն Ժոզէֆ Համալսարանի ղեկավար, հայր Կատոինի հասցէին, որը շտապ Աղանա է ուղարկել առաջին անհրաժեշտութեան իրեր եւ որի օժանդակութեամբ հիմնադրուել է նոր հիւանդանոց<sup>99</sup>:

Հեղինակն իրադարձութիւններին գնահատականներ չի տալիս. Կարելի է նոյնիսկ հաւաստել, որ նման նպատակ, հաւանաբար, նա չի հետապնդել: Այդուհանդերձ, նրա շարադրանքում երբեմն նկատում են մեկնարանութեան կարիք ունեցող որոշ հպանցիկ դիտարկումներ:

Ամբողջութեամբ շրջանցելով կիլիկեան կոտորածների պատճառները, հեղինակը դրանք համեմատում է 1895ի ջարդերի հետ եւ իրաւամբ եզրակացնում, որ չինելով նոյնքան լայնածաւալ, «վերջին կոտորածները բարբարոսութեան առումով դրանց ոչնչով չեն զիջել»<sup>100</sup>: Դրա հետեւանքով, ըստ նրա՝ «մեծ եւ հարուստ քաղաքը ներկայացնում է սարսափելի տեսարան: Կարելի է ասել, որ խօսքը վերաբերում է Պոմպէյի աւերակներին, սակայն՝ այրուող վիատակների վրայ ծխացող աւերակների»<sup>101</sup>: Զոհերի քանակի շուրջ չունենալով լիարժէք տեղեկութիւններ՝ նա, այդուհանդերձ, յղելով զանազան վկայութիւններ, ցուցաբերում է իրաւեսական մօտեցում, հաւաստում, որ Աղանայի վիլայէթում սպանուած հայերի թիւը հասել է 30000ի<sup>102</sup>:

Կիլիկիահայութեան ողբերգութեան պատճառներին առնչուող հեղինակի սակաւաթիւ մեկնարանութիւնները խիստ թերի են, քանզի նա ամրողջութեամբ շրջանցում է կոտորածների իրական կազմակերպիչների բացայացումը, նոյնիսկ չի ակնարկում ոչ միայն երիտթուրքերի դեկավար դերը, այլև տեղում գտնուող Օսմանեան պաշտօնեաների եւ բանակի մասնակցութիւնը: Թերեւս լիարժէք պատկերացումներ չունենալով երիտթուրքերի եւ սուլթանական վարչակարգի միջեւ յանուն իշխանութեան ծաւալուած պայքարի մասին, նա շրջանցում է հայկական կոտորածներում ներգրաւուած քաղաքական տարբեր ուժերի վրայ բարդուող պատասխանատութեան քննարկումը եւս:

Հեղինակը Կիլիկիայի հայկական կոտորածները գերադասում է մեկ-նարանել իրբեւ լոկ մահմեղականների եւ քրիստոնեանների միջեւ առկայ կրօնական հակամարտութեամբ պայմանաւորուած՝ քրիստոնէութեան դէմ ուղղուած իրադարձութիւն։ Նրա որդեգրած նման անընդունելի դիրքորոշման պատճառները զանազան են։ Նախ հեղինակը չունենալով թերեւս բազմազան անհրաժեշտ սկզբնաղբիւրներ՝ հիմնուել է հիմնականում, ինչպէս վերը նշեցինք, Փրանսիացի հոգեւոր գործիչներից ստացուած վկայութիւնների վրայ։ Վերջիններս, չնայած Աղանայում գտնուելու հանգամանքին, իրադարձութիւնն, այդուհանդերձ, ընկալել են խիստ սահմանափակ տեսանկիւնից եւ ելնելով իրենց աշխարհայեացքից՝ կոտորածների մեկնարանութեան հարցում ուշազրութիւնը բեւեռել միայն կրօնական առճակատման վրայ։ Լինելով հոգեւոր գործիչ, հեղինակը եւս անկարող է եղել յաղթահարելու իր խակ աշխարհայեացքի սահմանափակութիւնը եւ հարցը քննարկել լայն յետնախորքի վրայ։ Ի վերջոյ, չըմրոնելով կոտորածների իրական պատճառները, նա յանզել է իրականութեանը համապատասխանող, այդուհանդերձ, խիստ մակերեսային եզրակացութեան եւ հաւաստել, որ «քազմաքի քրիստոնեաներ կործանուել են՝ դառնալով իրենց հաւատքի զոհը։ Կոտորածները, յիշաւի, ունեցել են խիստ ընդգծուած հակաքրիստոնեական բնոյք»<sup>103</sup>։ Իր տեսակէտի հիմնաւորման համար, հեղինակը, ինչպէս եւ Հայոց Յեղասպանութիւնը լոկ դաւանանքների զանազանութեամբ պատճառարանած եւրոպացի շատ այլ ժամանակակիցներ՝<sup>104</sup>, վկայակոչում է կրօնափոխութեանն առնչուող արժանահաւատ փաստեր, նոյնիսկ չգիտակցելով, որ համակողմանի եւ ընդգրկուն մօտեցման բացակայութեան պայմաններում, նման մեկնարանութիւնը հեռու է հարցի իրական պատճառների բացայացումից։ «Գրեթէ միշտ մարդասպաններն առաջարկում էին ընտրութիւն՝ հաւատափոխութեան եւ մահուան միջև»<sup>105</sup>։

Այսպիսով, վկայակոչելով կրօնափոխութեանը վերաբերող, յիրաւի, հաւաստի առաջարկներ, հեղինակը միաժամանակ շրջանցում է պետական քաղաքականութեան մակարդակով Կիլիկիայում արձանագրուած կոտորածների կանխամտածուած բնոյթը։ Այդուհանդերձ, չնայած այս փաստին, հարկ է ընդգծել զրքոյկի անուրանալի աղբիւրագիտական, եւ ըստ այդմ՝ ճանաչողական նշանակութիւնը, ինչն, անտարակոյս, նպաստել է կիլիկեան իրադարձութիւնների շուրջ՝ եւրոպացի ժամանակակիցների տեղեկատուութեան ընդլայնմանը։

ADOSSIDÈS, ARMÉNIENS ET JEUNES-TURCS. LES  
MASSACRES DE CILICIE

1909ին Կիլիկիայում տեղի ունեցած Հայոց Ցեղասպանութեան հերթական փուլին նուիրուած Փրանսիացի Հեղինակների աշխատութիւնների թւում առաւել արժէքաւոր է Փրանսիացի լրագրող Ա. Աղոսիդէսի գիրքը<sup>106</sup>, որի աղբիւրագիտական հենքը բազմազան է: Թէպէտ յղումներ չկան, Հեղինակն, այդուհանդերձ, հիմնում է գլխաւորապէս ամերիկացի, անգլիացի, Փրանսիացի դիւանագէտների եւ միսիոնէրների վկայութիւնների վրայ: Աղոսիդէսն իր բաւական ընդգրկուն տեղեկատուութեան շրջանակներում մանրամասնօրէն քննարկում է ոչ միայն Կիլիկիայում, այլև Հայէպի տարածաշրջանում տեղի ունեցած հայկական «սարսափելի» կոտորածների ընթացքը եւ վերլուծում դրանց պատճառները: Նրա ընորոշմամբ՝ «այն, ինչը Ստամբուլում անուանել են Ադանայի խոռվութիւններ, իրականում ամենահրեշտակ յանցափորձերից է, որն արծանագրել է հայկական նահատակութիւնը»<sup>107</sup>:

Նշելով, որ ծագած շարժումն ուղղուած է եղել «ատելի ազգութեան» դէմ, նա, այսուամենայնիւ, առանձնացնում է «մարդկային այլնս ոչինչ չունեցող մարդկանց»<sup>108</sup>, Հայ տղամարդկանց հանդէպ դրսեւորած առանձնայատուկ դաժանութիւնը<sup>109</sup>, միաժամանակ պարզաբանում, որ փոխարէնը՝ կանանց եւ երեխաններին նրանք կամ ստրկացնում էին, կամ կրօնափոխում՝<sup>110</sup>: «Ընդհանուր առմամբ,- եզրակացնում է նա,- Կիլիկիայի իրադարձութիւնների ընթացքում ապշեցնում են մի ամրող ժողովուրդ ոչնչացնելու համար որդեգրուած դաժանութիւնը եւ անհատավի լկտիութիւնը»<sup>111</sup>:

Ըստ զանազան արժանահաւատ փաստերի համադրութեամբ կատարած Հեղինակի Հաշուարկների՝ զոհերի թիւը հասել է նուազագոյնը 20000ի<sup>112</sup>: Սակայն այս թուին, որը զիջում է զոհուած Հայերի շուրջ 30000ի հասնող թուաքանակին<sup>113</sup>, նա իրաւամբ անհրաժեշտ է համարում յաւելել նրանց, ովքեր «այդ դժոխքից» փրկուել են Հաշմանդամ կամ անաշխատունակ դարձած, աւելի ուշ մահկանացուն կնքել են վէրքերից կամ սովից ու տարածուած Համաճարակներից, ինչպէս նաեւ բռնութեամբ իսլամն ընդունած կանանց եւ երեխաններին, առեւանգուած երիտասարդ աղջիկներին<sup>114</sup>:

Աղոսիդէսն իրադարձութիւնների սակաւաթիւ ժամանակակիցներից է, որի ուշագրութիւնից չեն վրիպել նաեւ Հայ ժողովրդի կրած նիւթական կորուստները, որոնց շարքում նա դասում է ոչ միայն «քանդուած օջախները», այլև ամայացուած դաշտերը, գողացուած գիւղա-

տնտեսական մեքենաները, անասունները, ապրանքները, շարժական գույքը<sup>115</sup>: Չունենալով սակայն անհրաժեշտ սկզբնաղբիւրներ, նա բաւարարությ է սոսկ փաստի արձանագրմամբ:

Ինչ վերաբերությ է կիլիկիահայութեան կոտորածների պատճառներին՝ հեղինակն իրաւամբ մատնանշում է ներքին նահանգներից հայերի հոսքը Կիլիկիա, տարածաշրջանի քրիստոնեաների բարեկեցիկ վիճակը, ընակչութեան նիւթական ապահովութիւնը: Զանտեսելով այս հանգամանքների նշանակութիւնը, որոնք մեծապէս նպաստել են 1909ին տարածաշրջանը կոտորածների թատերաբեմի վերածելուն, ջարդերի մեկնաբանութեան խնդրում հեղինակն, այնուամենայնիւ, երբեմն տուրք է տալիս այնպիսի վարկածների, որոնք չեն համապատասխանում իրականութեանը: Դրանց թւում է, օրինակ, թուրքերի առաջադրած ստայօդ այն փաստարկը, ըստ որի հայերի ներգաղթը Կիլիկիա իրը պայմանաւորուած է եղել հայկական ապստամբութեան նախապատրաստութեամբ: Իրականում, հաշուի առնելով Կիլիկիայի սոցիալ-տնտեսական անհամեմատ բարուք վիճակը, որը հնարաւորութիւն էր ընձեռում գրամ վաստակելու, գարնան ամիսներին շուրջ 50000 հայ Օսմանեան կայսրութեան տարրեր տարածաշրջաններից տեղափոխուում էր Աղանա:<sup>116</sup> Բացի դրանից, նա մեծ նշանակութիւն է տալիս թուրքերի մօտ արմատացած՝ քրիստոնեանների ունեցուածքի թալանի անյազուրդ կրրքին, որն, ի դէպ, անիրաւացիօրէն համարում է հայկական ցանկացած կոտորածի «միակ շարժանիթ»ը կամ Օսմանեան սահմանադրութեամբ՝ մահմեղականների եւ քրիստոնեանների իրաւունքների միջեւ հաւասարութեան հոչակման հետեւանքով առաջ եկած հերթական լարուածութեանը, որի ստեղծման հարցում մեծ դեր են ունեցել մահմեղական հոգեւորականները<sup>117</sup>: Այս առիթով, նա իրաւամբ նշում է. «Կիլիկիայի հայերը շտապել են օգտուել այն իրաւունքներից, որոնք նոր վարչակարգը նրանց շնորհում էր տեսականօրէն»<sup>118</sup>: Այդուհանդերձ, մեր համոզմամբ այս հանգամանքը կարելի է դասել միայն 1909ի կոտորածների դրդապատճառների, եւ ոչ թէ հիմնական նախադրեանների շարքում:

Աղոսիդէն, այդուհանդերձ, բազմիցս քննադատում է Օսմանեան իշխանութիւնների գործելածեւերից մէկը. նրանք, ինչպէս եւ նախորդ ժամանակաշրջանում, թէ՝ կիլիկիահայութեան ընաջնջմանը ձեռնամուխ լինելուց առաջ եւ թէ՝ կոտորածների ընթացքում, ջանք ու եռանդ չեն խնայել դրանց պատասխանատուութիւնը հայերի վրայ բարդելու համար: «Պնդում են, որ հայերը պատրաստում են զանգուածաբար ոչնչացնել բոլոր քորքերին, կարծ ասած, իոդ է տարում յուզումնալից

իրավիճակը պահպանելու համար։ Այսպիսին է ցանկացած կոտորածի դասական սկիզբը Հայաստանում», - գրում է նա<sup>119</sup>։ Վկայակոչելով տարատեսակ փաստեր, նա հիմնովին բացայացում է յատկապէս Զեւսի թէջի՝ հայ եւ օտարերկրեայ ժամանակակիցներին ապակողմնորոշելու ուղղութեամբ գործադրած միջոցները։ Զեւադը շռայլում էր հայերի կեանքի ապահովութեանն առնչուող կեղծ հաւաստիացումներ, «ինչի գաղտնիքին, Արեւելքում տիրապետում են»<sup>120</sup>։ Լարուած իրավիճակը լիքքաթափելու նպատակ հետապնդող վերջինիս համանման դատարկ խոստումները դիմազերծելու նպատակով Աղոսիդէսը հրապարակում է Ապրիլի 14ին Բարձր Դռանը յղած՝ Աղանայում կոտորածների սկիզբն ազդարարող նրա հեռագիրը, որով հայերի վրայ բարդւում էր թուրքերին գրոհելու եւ նրանց կոտորելու մեղադրանք<sup>121</sup>։ Շատ աւելի բացայտիչ է Աղոսիդէսի վկայակոչած մէկ այլ փաստ, ըստ որի Զեւադն Ապրիլի 16ին աղանայարնակ հայերին առաջարկել է՝ ընթացքի մեջ գրտնուող կոտորածների կապակցութեամբ ստորագրել իրենց իսկ կարծեցեալ պատասխանատուութիւնը հաւաստող մի փաստաթղթի ներքոյ, ինչից նրանք կտրականապէս հրաժարուել են<sup>122</sup>։

Թուրքական իշխանութիւնների նման անճիշդ յայտարարութիւնների եւ նախաձեռնութիւնների հերքմանն անուղղակիորէն մեծապէս նպաստում են նաեւ Աղոսիդէսի՝ Թուրքիայում տեղի ունեցած խմորումների հանդէպ հայերի վերաբերմունքին առնչուող մեկնարանութիւնները։ Տարբեր առիթներով հեղինակն ապացուցում է, որ հայերն անջատողական միտումներ չեն ունեցել, իսկ սահմանադրութեան վերահաստատումից յետոյ խանդավառութեամբ են ընդունել «նոր դարաշրջանը, որի հետ կապել են ազատազրման իրենց յոյսերը»<sup>123</sup>։ Ակնարկելով հայերի յուսախարութիւնը, մասնաւորապէս «արդարութեան եւ իրաւունքի վրայ հիմնուած խաղաղութիւն հաստատող կառավարութիւն» ձեւաւորելու հարցում, հեղինակն, այնուամենայնիւ, նրանց համարում է թուրքերից յետոյ Օսմանեան Կայսրութեան պահպանութեան հարցում ամենանուիրուած ու ամենաշահագրգռուած ժողովուրդը<sup>124</sup>։

Ինչպէս տեսնում ենք, Աղոսիդէսը հիմնաւորապէս հերքում է Հայերին բարդուող զանազան մեղադրանքներ, որոնք առաջադրել են իրադարձութեան ժամանակակից տարբեր բարձրաստիճան թուրք պաշտօնեաներ՝ հայերին վարկարեկելու եւ հայկական կոտորածների հարցում Օսմանեան իշխանութիւններին պատասխանատուութիւնից զերծ պահելու մտադրութեամբ։

Աղոսիդէսը բազմիցս փաստում է թէ՝ կոտորածների կանխամտածուածիւնը եւ թէ՝ իշխանութիւնների թոլլտուութիւնն ու նրանց ղեկավար ղերը՝ տարածաշրջանի տարրեր վայրերում ծաւալուած կոտորածները նախապատրաստելու գործում։ Նա անվարան հաւաստում է, որ կոտորածի առաջին իսկ օրը, հայերն Աղանայում ոչնչացւում էին «իշխանութիւնների աշքի առջեւ», ինչին օժանդակում էին ոստիկանները՝ մարդասպաններին մատնացոյց անելով զոհերին։ Միաժամանակ նա բացայայտում է տարածաշրջանում իր ենթակայութեան ներքոյ գտնուող պաշտօնեաններին՝ հայերի ոչնչացմանն առնչուող հրահանգներ ուղարկող Զեւադի իրական դիմագիծը<sup>125</sup>։ Բազմաթիւ վայրերում, ըստ նրա վկայութեան՝ արձանագրուել են մահմեղական բնակչութեանը զէնք բաժանելու փաստեր, իսկ Զերէլ Բերեքթում կոտորածի պատրաստ թուրքերը, զինուել են «անձանք կառավարիչ՝ Ասաֆ բէյի հոգածութեամբ» եւ քրիստոնեաններին գրոհել նրա՝ իսկ ազդանշանի հիման վրայ՝<sup>126</sup>։

Չնայած այս եւ նման փաստերի արձանագրմանը, Աղոսիդէսը, սակայն, ձեռնպահ է մնում կոտորածների կանխամտածուած եւ նախապատրաստուած լինելու շուրջ իր դիրքորոշումը յայտնելուց։ Նշելով թէ՝ թուրքերի եւ թէ՝ հայերի իրարամերժ տեսակէտներն այս առիթով, նա բաւարարուում է սոսկ վկայակոչելով Մերսինում Անգլիայի հիւպատոս Դաութի-Ուայլի (Doughty-Wylie) հաղորդագրութիւնը, ըստ որի՝ «իշխանութիւնների մի մասը նախապէս տեղեակ է եղել ծրագրուած կոտորածներին»<sup>127</sup>, բայց, այդուհանդերձ, գերադասում է այս հարցը թողնել «օդում կախուած»<sup>128</sup>։

Քանի որ Կիլիկեան կոտորածների երկու փուլին, ինչպէս եւ 1890ականներին, ակտիւօրէն մասնակցել են Օսմանեան զօրքերը, Աղոսիդէսը ըստ պատշաճի ընդգծում է նրանց ղերը Կիլիկիայի տարրեր քաղաքներում (Մերսին, Տարսոն) թէ՝ հայկական ջարդերի, թէ՝ գոհերի ունեցուածքի կողոպուտի եւ թէ՝ զանազան վայրերում բնակավայրերի հրկիզման գործում<sup>129</sup>։ Հեղինակը մանրամասնում է մէկ էական հանգամանք՝ Աղանայում հայկական թաղամասերի վրայ գրոհել են կանոնաւոր զօրքերը, որի հետեւանքով Տոսպօ-Մահալէսի եւ Շարանիէ թաղամասերը հիմնովին աւերուել են։ Տարսոնում, «ինչպէս ամէնուր, զօրքը մասնակցել է աշխատանքին», - ընդգծում է նա՝<sup>130</sup>։ Ընդհանուր առմամբ, արձանագրելով կանոնաւոր զօրքերի գործողութիւնները, նա, փաստօրէն, եւս մէկ անգամ անուղղակիօրէն հաւաստում է Օսմանեան

իշխանութիւնների՝ իրադարձութեանը նախապատրաստուած լինելու հանգամանքը:

Օսմանեան տարբեր՝ Համբիդեան եւ երիտթուրքական վարչակարգերի՝ 1909ի Կիլիկիայում տեղի ունեցած կոտորածների խնդրում կրած պատասխանատութեան հարցի շուրջ, սակայն, Հեղինակը - ինչպէս եւ նրա ժամանակակիցները - չի ունեցել յստակ պատկերացումներ: Տարբեր առիթներով մանրամասն անդրադառնալով այս կարեւոր խնդրին, Աղոսիդէսը յայտնում է իրարամերժ կարծիքներ: Ըստ նրա առաջադրած մեկնարանութիւններից մէկի՝ «անկախ այն բանից Կիլիկիայում կոտորածն Արդու Համիլոն է իրահրել, թէ այլը, [դա] Աղանայի բուրքական տարրի գործն է եւ յետադիմական շարժման բաղկացուցիչ մասը, որը թէ՝ իր ծագմամբ եւ թէ՝ իր միտումներով բնորոշ է, մասնաւրապէս Ասիական Թուրքիայում տիրող տրամադրուածութեանը»<sup>131</sup>:

Առաջին հայեացքից Հեղինակը խուսափում է պատասխանատութիւնը բացայայտօրէն երիտթուրքերի կամ Սուլթանի վրայ բարդելուց, քանզի «տիրող» եւ «տիրապետութեան տակ գտնուող» ազգերի հակամարտութիւնը դիտում է իրբեւ հաշտութեան եզրեր չունեցող այնպիսի մի իրողութիւն, որը սահմանադրական դարաշրջանն ի վիճակի չի եղել յաղթահարելու: Գլխաւորապէս այս հանգամանքով է նա բացատրում հայերի կոտորածը, որը «կարող էր հնարաւոր լինել նոր վարչակարգի օրօք եւ նոյնքան անպատմելիօրէն իրականացուել Թուրքիայում թէ՝ սահմանադրութեան հոչակումից առաջ եւ թէ՝ յետոյ»<sup>132</sup>:

Այնուամենայնիւ, քննարկենք երիտթուրքերի պատասխանատութեան բացայայտման շուրջ Աղոսիդէսի որոշ դիտողութիւններ: Նա ընդունում է, որ 1908 աշունից ի վեր, Կիլիկիայում նշմարուել է «հակահայ շարժում» եւ իրաւամբ նշում, որ կիլիկիահայերի դեկավարների՝ թէ՝ Զեւադ բէյին եւ թէ՝ Ներքին Գործերի Նախարարին յղած բողոքները որեւէ արդիւնքի չեն յանգեցրել, քանզի Կոստանդնուպոլսում այդ նախազգուշացումները նոյնիսկ հաշուի չեն առնուել<sup>133</sup>: Այլ կերպ ասած, Հեղինակն անուղղակիօրէն ընդունում է երիտթուրքերի իրազեկութիւնը նախապատրաստուող կոտորածներին եւ նրանց չկամութիւնն՝ իրավիճակը շտկելու, Հետեւարար կոտորածները կանխելու հարցում:

Աղոսիդէսը տեղեակ է նաեւ Աղանայի երկրորդ կոտորածին նախորդած ժամանակահատուածում երիտթուրքերի նախապատրաստական գործողութիւններին, որոնց ընթացքում նրանք ձերբակալել են մարտունակ հայերի, հայ բնակիչներից առգրաւել զինամթերք, իսկ մահմեղականներին զէնք եւ զինամթերք բաժանել: «Կարճ ասած, ամէն

ինչ կանխատեսել են, ամէն ինչ նախապատրաստել, որպէսզի այս անգամ գործողութեանը ձեռնամուխ լինեն արագ, արմատական, անվլէպ ձեւով»<sup>134</sup>:

Շատ աւելի հատու է երիտթուրքերի՝ հայկական կոտորածների իրականացման ասպարէզում ունեցած դերին նրա տուած մէկ այլ գնահատական. «Ծակատագրի անընդքնելի շրջադարձով, հենց այս վարչակարգը, որից նրանք (հայերը - Վ.Պ.) ակնկալում էին իրենց փրկութիւնը, դարձաւ...նրանց սարսափելի ողբերգութեան պատճառը (ընդգծումը մերն է - Վ.Պ.)»<sup>135</sup>:

Սակայն Աղոսիդէսի շարադրանքում հանդիպում ենք մէկ այլ՝ այս իրատեսական մեկնարանութիւններին անյարիր դատողութեան, որը վկայում է կոտորածների պատասխանատուութիւնը համիդեան վարչակարգի վրայ բարդելու միտումի մասին. «Կիլիկիայի հոլորոստն, անտարակոյս, երիտթուրքերի գործը չէ: Այս իրեշաւոր յանցափորձի պատասխանատուութիւնը բարդում է յետադիմութեան եւ համիդեան վարչակարգի վրայ»<sup>136</sup>: Դրանով իսկ նա երիտթուրքերին, փաստօրէն, զերծ է պահում կիլիկիահայութեան կոտորածներում ունեցած նուազագոյն պատասխանատուութիւնից, իսկ նրանց յանդիմանում միայն՝ ջարդերից յետոյ հայերին անհրաժեշտ փոխատուցումներ չյատկացնելու համար»<sup>137</sup>:

Առաւել եւս նախորդ հաւաստումների յետնախորքի վրայ՝ առաջին հայեացքից տրամարանութեան շրջանակներում չտեղաւորուող՝ Աղօսիդէսի այս եզրայանգումը կարիք ունի մեկնարանութեան: Բանն այն է, որ նման հետեւութեան համար, հաւանաբար, պատճառ է դարձել համիդեան վարչակարգի յղացած՝ արեւմտահայութեան բնաջնջման նպատակ հետապնդող մէկ այլ՝ լայնածաւալ ծրագրի իրականացման ձախողումը յեղաշրջման հետեւանքով: Այս առիթով նա նշում է 1909 Մայիսին կարսում, Մալաթիայում, Դիարբեքիրում, Մուշում եւ Էրզրումում արիւնայի կոտորածների բռնկման վտանգի առկայութեան մասին եւ դրանց կանխումը բացատրում միայն երիտթուրքերի՝ վերստին իշխանութեան գլուխ անցնելով. «Առանց համիդեան յետադիմութեան նկատմամբ երիտթուրքերի տարած յաղբանակի, որեւէ կասկած չի կարող լինել, որ կոտորածը կ'ընդգրկէր ամրող Անատոլիան», - գրում է նա՝<sup>138</sup>: Այս փաստի արձանագրումը վկայում է, որ Աղօսիդէսը չի ըմբռնել երիտթուրքերի կողմից այս ծրագրի կասեցման բռւն պատճառները, որոնք էին՝ եւրոպական մեծ տէրութիւնների հնարաւոր միջամտութեան կանխումը եւ երիտթուրքական կառավարութեան՝ կատարեալ

վարկարեկումից խոյս տալու ցանկութիւնը<sup>139</sup>: Մեր կարծիքով, ամենայն հաւանականութեամբ, այս հանգամանքն է պատճառ դարձել, որ կոտորածների կազմակերպիչների բացայայտման հարցում Աղոսիդէսը յանգի հակասական մեկնարանութիւնների:

Արդիւնքում, ելնելով Աղոսիդէսի խորհրդածութիւններից, կարելի է հաւաստել, որ կիլիկիահայութեան կոտորածի հիմնական պատճառը նա, ի վերջոյ, փնտուում է թուրքերի մօտ արմատացած՝ քրիստոնեաների վրայ իշխանութեամբ, որն արդէն դասւում է հոգերանական գործօնների շարքում եւ ըստ որի՝ հարկ է, որ թուրքերը լինեն «արտօնեալ ժողովուրդ»: «Անկասկած, չի հասել ժամանակը...երբ թուրքիայում քրիստոնեայի իրաւունքը կարող է հաւասարակշռուել մահմեդականի շահի հետ», - եզրայանգում է նա<sup>140</sup>:

Այսպիսով, միանգամայն ակնյայտ է, որ Աղոսիդէսը խարխափում է զանազան հակասութիւնների մէջ.

1- Բազմիցս շեշտելով 1909ի ողբերգութեան սանձազերծման եւ իրականացման գործում Օսմանեան իշխանութիւնների եւ տեղական պաշտօնեաների դերը, հեղինակն ակնարկում է իրադարձութեան՝ պետական քաղաքականութեան մակարդակով ծրագրուած լինելու մասին, սակայն, նրա հիմնական հետեւութիւններն, ի վերջոյ, անյարիր են այս հաւաստմանը:

2- Բացայայտելով հայկական կոտորածների պատասխանատուութիւնը հայերի վրայ բարդելուն ուղղուած օսմանեան իշխանութիւնների գործելամիջոցները, նա միաժամանակ նշանակութիւն է տալիս հայկական կարծեցեալ «ապստամբութեան»՝ իրականութեան հետ որեւէ առնչութիւն չունեցող վարկածին:

3- Տարբեր փաստերով հիմնաւորելով կիլիկիահայութեան բնաջնջումը՝ կանխամտածուածութեան հիման վրայ, հեղինակը, հակասելով իրեն, հայկական կոտորածները միաժամանակ պայմանաւորում է երկրորդական պատճառներով կամ հոգերանական բնոյթի հանգամանքներով:

4- Աղոսիդէսի խորհրդածութիւններից դժուար է կողմնորոշուելն իսկ, թէ ո՞վ է նախաձեռնել 1909ի կոտորածները՝ երիտթուրքե՞րը, թէ՝ սուլթանական վարչակարգը եւ կամ ի՞նչ չափով են քաղաքական այս ճամբարները ներգրաւուած եղել կիլիկիահայութեան բնաջնջման գործնթացում, քանզի այս հարցի շուրջ յստակ պատկերացումներ նա թերեւս չի ունեցել:

Հստ այս ամէնի՝ Աղոսիդէսի վերջնական եզրայանգումները մեր կողմից անընդունելի են:

Աղոսիդէսի անժխտելի արժանիքներից է, սակայն, կիլիկիահայութեան բնաջնջմանն առնչուող՝ մեծ թուով յարակից հարցերի քննարկումը: Դրանց թուում է Կիլիկիայում բնակուող մահմեդականներից ոմանց՝ հայերի հանդէպ ցուցաբերած բարեացակամ վերաբերմունքին առնչուող խնդիրը: Հիմնուելով եւրոպացի եւ հայ ականատեսների վկայութիւնների վրայ՝ նա արձանագրում է թէ՛ որոշ բարձրաստիճան թուրք ղեկավարների եւ թէ՛ սպանների ու շարքային քաղաքացիների «մարդասիրական ու մեծահոգի վերաբերմունքը», որոնք Աղանայում եւ այլ վայրերում (Օսմանիէ, Համիդիէ) օգնութեան ձեռք են մեկնել հետապնդուող հայերին, ապաստան տուել նրանց իրենց տներում<sup>141</sup>: Աղոսիդէսն արժանին է հատուցում յատկապէս Օսմաննեան աստիճանաւորներին. «Քաղաքացիական եւ ուզմական պաշտօնեաններն աշքի են ընկել իրենց հաստատակամութեամբ եւ դրսեւորած եռանդով», - նշում է նա<sup>142</sup>:

Հեղինակը չի անտեսում նաեւ դեռեւս 1906-1907ի Աղանայի նախկին կառավարիչ Բահրի փաշայի հայանպաստ գործունէութիւնը, որը կանխել է Օսմաննեան իշխանութիւնների նախապատրաստած՝ հայերի բնաջնջման ծրագրի իրականացումը<sup>143</sup>: Ի շարու 1909ի կոտորածների ընթացքում իրենց մարդասիրութեամբ աշքի ընկած թուրք պաշտօնեանների, նա մատնանշում է Մարաշի կառավարչի, Մերսինի մութասարիֆ Էսադ բէյի, Կեսարիայի մութասարիֆ Զեմալ բէյի՝ Ապրիլի կէսերին նախապատրաստուող հայկական կոտորածներին խոչընդունելու ուղղութեամբ գործադրած ջանքերը: Վերջինս «կարգը պահպանելու համար վտանգել է իր կեանքը»: Աղոսիդէսը դրուատում է Լաթաքիայի մութասարիֆին՝ «քաղաքը կոտորածից փրկելու համար»<sup>144</sup>:

Աղոսիդէսի շարադրանքին բնորոշ է եւս մէկ առանձնայատկութիւն: Նա յաւուր պատշաճի արժեւորում է Կիլիկիայում հայերի կազմակերպած ինքնապաշտպանական մարտերի նշանակութիւնը, եւ հակասելով իրեն, ուշադրութիւնը կենտրոնացնում է խիստ էական՝ հայերի նախայարձակ չիննելու հանգամանքի վրայ, որոնք «պատրաստուել են սոսկ ինքնապաշտպանութեան»<sup>145</sup>: 1894-1896ի հայկական կոտորածների ընթացքում հայերի կրաւորական դիրքորոշումն ինքնապաշտպանութիւն կազմակերպելու հարցում նա մեկնարաւանում է նրանց «կատարելապէս անզէն» լինելու հանգամանքով: Փոխարէնն՝ «այս անզամ, շարունակում է նա, - նրանցից շատերն ունեին ատրճանակներ եւ որսորդական իրացաններ: Ուստի՝ նրանք յամառօրէն դիմադրել են»<sup>146</sup>:

Հեղինակը նկարագրում է նրանց մղած պայքարին առնչուող մանրամասներ, որի հետեւանքով հակառակորդը «մեծ կորուսներ» է կրել: Խօսքը վերաբերում է, մասնաւորապէս ինքնապաշտպանութեան զիմած հայերի մարտավարութեան փոփոխութիւններին, որոնց շնորհիւ Աղանայում իրենց պատկանող երեք թաղամասում նրանք ոչ միայն 24ից 48 ժամ շարունակ հմտօրէն պաշտպանուել են, այլեւ գրաւել մզկիթներից մէկը, հակառակորդի յելուզակներին փախուստի մատնել, ըստ անհրաժեշտութեան՝ փողոցներում դիրքեր կառուցել եւ օգնութեան շտապել տներում պատսպարուածներին<sup>147</sup>: Նա առանձնայատուկ կերպով ընդգծում է հայերի՝ մինչեւ վերջ պայքարելու վճռակամութիւնը, փաստում, որ նրանց որոշ խմբեր, նոյնիսկ զինուորների եւ խաժամուժի կողմից շրջափակուած, շարունակել են, այդուհանդերձ, դիմադրութիւնն Աղանայի փողոցներում: Հեղինակը վկայակոչում է Հաճընում - Ապրիլի 21ից 25ը - հայերի դիմադրութեանը վերաբերուող հաւաստի փաստեր, որի հետեւանքով բնակչութիւնը փրկուել է կոտորածից<sup>148</sup>:

Աղոսիդէսը խօսքը կենտրոնացնում է նաեւ հայերի ինքնապաշտպանական մարտերի վրայ Կիլիկիային յարակից տարածաշրջաններում՝ արժեւորում Դէօրթ Եոլում տասն օր շարունակ նրանց մղած յամապայքարը, Քեսարում՝ 140 մարտիկի կազմակերպած ինքնապաշտպանութիւնը, որի շնորհիւ քաղաքի հայ բնակչութեանը հնարաւորութիւն է ընձեռուել փախչելու լեռները<sup>149</sup>:

Աղոսիդէսը տարրեր առիթներով համակողմանի վերլուծում է նաեւ եւրոպական մեծ տէրութիւնների քաղաքականութեանն առնչուող խնդիրներ թէ՛ ղեկավար շրջանակների պաշտօնական միջամտութեան, եւ՝ թէ՛ կայսրութեան տարածքում հաւատարմագրուած դիւանագէտների գործադրած անձնական ջանադրութեան կտրուածքներով: Նրա դիտարկումներում հարկ է նախ՝ առանձնացնել կիլիկիահայութեան հանդէպ եւրոպական պետութիւնների դրսեւորած անտարբեր դիրքորոշման քննադատումը: Նա ցաւով հաւաստում է, որ Աղանայում տեղի ունեցած ողբերգութիւնը եւրոպական տէրութիւնների կառավարութիւնների կողմից մնացել է գրեթէ աննկատ, ինչն իրաւամբ մեկնարանում է գլխաւորապէս Օսմանեան Կայսրութիւնում մեծ տէրութիւնների ֆինանսական շահախնդրութիւններով, քանզի վերջիններիս համար (ինչպէս եւ ԺԹ. դարի 90ականներին), առաջնային նշանակութիւն շարունակում էին ունենալ իրենց պետութիւնների Փինանսիստների շահը<sup>150</sup>:

Ինչ վերաբերում է տէրութիւնների քաղաքականութեան քննադատութեանը՝ Աղոսիդէսը բացայայտում է նաեւ հայերի հանդէպ նրանց անկարեկից վերաբերմունքի կարեւոր պատճառներից մէկը՝ Օսմաննեան կայսրութեան ճակատագրի հանդէպ, ինչպէս եւ ոչ-հեռաւոր անցեալում, նրանց միջեւ միասնական դիրքորոշման կատարեալ բացակայութիւնը։ Յայտնելով իր վրդովմունքն այն առիթով, որ կոտորածների ընթացքում տէրութիւնները սահմանափակուել են սոսկ Բարձր Դուանը «քարեկամական» խորհուրդներ տալով, Աղոսիդէսը եւս մէկ անգամ դա պատճառաբանում է նրանց յատուկ եսասիրական դրդապատճառներով։ «Նրանց ներկայացուցիչները, որոնք աւելի քան երեսէ, կլանուած են գործերի, պատուերների, կոնցեսիաների ընթացքով, զբաղուած են միայն երիտրուրքերին շողոքորթելով, զրեք այնպէս, ինչպէս շողոքորթում էին Երլղըզ Քէօշքին»<sup>151</sup>:

Խիստ քննադատելով մեծ տէրութիւնների ղեկավար շրջանակներին՝ հայ ժողովրդի ընաջնջմանն ի տես, փաստօրէն, անգործունեայ դիտորդի ղերում հանդէս գալու համար, Աղոսիդէսն, այնուամենայնիւ, միշտակում է, որ կոտորածների ընթացքում նրանց ուազմանաւերը մօտեցել են Կիլիկիայի եւ Սիրիայի ափերին, չյստակեցնելով սակայն, թէ որ տէրութիւններին է խօսքն առնչւում<sup>152</sup>: Թէպէտ դրանց ներկայութիւնը նա իրաւամբ անօգուտ չի համարում, այդուհանդերձ, ցուցաբերելով շատ աւելի իրատեսական մօտեցում, նշում է, որ «այդ միջամտութիւնը եղել է խիստ սահմանափակ եւ նպաստել միայն ծովափի մերծակայքում գտնուող մի քանի քնակավայրերի պաշտպանութեանը»<sup>153</sup>: Այս հարցում սակայն նրա մեկնարանութիւնները հեռու են սպառիչ լինելուց, քանզի նա չի մատնանշում ուազմանաւերի՝ հայերի ոչնչացման գործընթացին չմիջամտելու հիմնական պատճառները (անկում ապրող կայսրութեան նկատմամբ ունեցած գաղութատիրական յաւակնութիւնների հարցում տէրութիւններին ծուատող փոխադարձ կասկածները, գործողութեան միասնական ծրագրի բացակայութիւնը, իւրաքանչիւր տէրութեան շահագրգուածութիւնը միայն իր քաղաքացիներին օգնութեան հասնելու հարցում եւն.)<sup>154</sup>:

Հեղինակը սակայն միշտակում է այն դիւանագէտների անունները, ովքեր նպաստել են հայերի փրկութեանը։ Նա դրուատում է յատկապէս Ապրիլի 14ին Աղանա ժամանած՝ Մերսինում Անգլիայի փոխհիւպատոս Դառլիթ-Ռւայլին, որն իր տիկնոջ հետ գործել է «քաջութեան եւ նուիրուածութեան սխրանքներ» եւ փրկել բազմաթիւ հայերի։ Նրանց հնարաւորութիւններն եղել են խիստ սահմանափակ, ինչը հեղինակն իւ-

րաւամբ պատճառարանում է Եւրոպական այլ երկրների դիւանագէտների մօտ համապատասխան համահունչ քայլեր ձեռնարկելու ցանկութեան բացակայութեամբ<sup>155</sup>:

Փոխարէնը, նա զովերգում է Հալէպում Ֆրանսիայի հիւպատոս Ֆերնան Ռոքեֆերի զործադրած ջանքերը, որը տասնեօթ օր շարունակ երկու հարիւր հեծեալի գլուխն անցած զէնքը ձեռքին պայքարել է յանուն տարրեր վայրերում տեղաբնակների փրկութեան<sup>156</sup>:

Աղոսիդէսի գրքի քննարկումը եզրափակելուց առաջ նշենք, որ մենք ընդունում ենք այն անուրանայի աւանդը, որը - չնայած որոշ ոչ-սպառիչ, անգամ հակասական մեկնարանութիւններին, այդ թւում սկրզբունքային հարցերում - նա ներդրել է 1909ի կիլիկիահայութեան կոտորածների պատմութեան ուսումնասիրութեան ասպարէզում: Թէ՛ Աղանայում եւ թէ՛ տարածաշրջանում տեղի ունեցած անցքերի բացայայտմանը վերաբերող նրա մանրազնին նկարագրութիւնները մեծապէս նպաստել են Եւրոպացի ժամանակակիցների իրազեկմանը, նրանց տեղեկատուութեան ընդլայնմանը:

## G. VAYSSIÉ

Կիլիկեան կոտորածների ականատեսներից ստացած մանրամասն տեղեկութիւններ է ամփոփում Ժ. Վեսսիէի յօդուածը: Իր իսկ հաւասարմամբ՝ 1890ականներից ի վեր հեղինակը հետաքրքրութիւն է դրսեւորել արեւմտահայութեան ճակատագրի հանդէպ եւ այցելել է այն վայրերը, որոնք 1895-1896ին դարձել են հայկական կոտորածների թատերաբեմեր<sup>157</sup>: Միեւնոյն սրտցաւ վերաբերմունքն է նա դրսեւորել 1909ին կործանման դատապարտուած կիլիկիահայութեան նկատմամբ: Կոտորածներին առնչուող «սարսափազդու լուր»ն ստանալուց անմիջապէս յետոյ, նա վճռել է մանրազնին հետաքննութեան հիման վրայ Եւրոպացիներին տեղեկացնել կիլիկեան կոտորածների պատճառների ու հետեւանքների մասին<sup>158</sup>:

Վեսսիէն գրուցել է ոչ միայն տարրեր երկրներում (Եգիտպոս, Սիրիա, Կիպրոս) հանգրուանած՝ աղէտից մազապուրծ կիլիկիահայերի, այլև Օսմանեան իշխանութիւնների ներկայացուցիչների, Եւրոպական հիւպատոսութիւնների աշխատակիցների հետ եւ նրանցից ստացել հարուստ տեղեկութիւններ: Նրա յօդուածը, սակայն, ըստ էութեան, հետագօտական բնոյթ չի կրում, քանզի հեղինակը բաւարարւում է գլխաւորապէս իրադարձութեան շուրջ ականատեսների՝ երբեմն հակասական դիրքորոշումներն արտացոլող գնահատականների դրոշմը կրող

տեղեկութիւնների վերաշարադրմամբ՝ չցուցաբերելով քննադատական ժուղում:

Վեսսիէի յօդուածը հիմնուած է աւելի քան յիսուն հայ ականատեսների վկայութիւնների վրայ՝<sup>159</sup> Եթէ վերջիններս կիլիկեան կոտորածների սանձազերծումը պայմանաւորում են առաւելապէս 1909ի Մարտի 31ի յեղաշրջմամբ<sup>160</sup>, ապա իրադարձութեան երկրորդ փուլի առիթով արդէն յիշատակում են սահմանադրական գօրքերի Աղանա ժամանման եւ կիլիկիահայութեան բնաջնջման գործընթացին նրանց մասնակցութեան, կազմակերպուած ձեւով կոտորածի իրականացման մասին։ Հստ նրանց՝ մարդասպանների մի խումբ սպանում էր, ոմանք կողոպտում էին, այլք՝ հրկիզում<sup>161</sup>:

Հայ գաղթականների հաղորդած տեղեկութիւնները պարունակում են յիշարժան մի մանրամասն, թէ՝ ինչպէս 1890ականներին տեղի ունեցած Հայոց Յեղասպանութեան առաջին փուլի պարագայում, 1909ի կոտորածներին վերաբերող հրահանգը նոյնպէս տրուել է Կոստանդնուպոլիսից։ Այսպիսով, կիլիկիահայութեան ոչնչացման գործընթացը նրանք մեկնարանում են, փաստորէն, իրրեւ պետական քաղաքականութեան մակարդակով տեղի ունեցած իրադարձութիւն, դեռեւս ի վիճակի չինելով յստակեցնելու, այդուհանդերձ, սուլթանական վարչակարգի եւ երիտթուրքերի պատասխանատուութեան չափը։ Փոխարէնը, նրանք փաստում են տեղական իշխանութիւնների ղեկավար դերը կոտորածների իրականացման գործում, յատկապէս մատնանշելով Զեւադի եւ Ռեմզիի հայատեաց դիրքորոշումը, որոնք ոչ միայն փոքր-իսկ ցանկութիւն չեն դրսեւորել կանխելու կոտորածները, այլեւ նպաստել են դրանց սանձազերծմանը<sup>162</sup>։

Ինչ վերաբերում է հեղինակի մէջբերած՝ թուրք ականատեսների վկայութիւններին, ապա նրանց՝ իրադարձութեան պատասխանատուութիւնը հայերի վրայ բարդելու ճիգերը<sup>163</sup>, կիլիկիահայերի հաւաստումների յետնախորքի վրայ, մեղմ ասած, ամէնեւին համոզիչ չեն թւում։ Առաւել եւս, որ նրանց յերիւրանքները հիմնովին հերքում են նաեւ եւրոպացի ժամանակակիցները։ Վերջիններս, որոնց վկայութիւններին Վեսսիէն նշանակալից տեղ է յատկացնում, միանշանակօրէն արձանագրում են Զեւադի եւ Ռեմզիի՝ Արդուլ Համիդի շրջապատի հետ վաղուց ի վեր ունեցած առնչութիւնները եւ հաւաստում, որ Օսմանեան տեղական ղեկավարները համոզուած են եղել Սուլթանի կողմից նախապատրաստուող պետական յեղաշրջման փորձի բարեյաջող ելքին<sup>164</sup>։ Դրանով իսկ նրանք բացայայտում են կիլիկիահայութեան կոտորածների՝ կանխա-

մտածուած լինելու փաստը։ Մասնաւորապէս, մանրամասնուում է մի էական հանգամանք, ըստ որի՝ Մարտի 31ի յեղաշրջումից յետոյ, Զեւադն, ամենայն հաւանականութեամբ, հայերի դէմ ուղղուած ցեղասպան քաղաքականութիւնն Աղանայում իրականացրել է Սուլթանի շուրջ համախմբուած յանցախմբի։ Պալէի աջակցութեամբ<sup>165</sup>։

Այդուհանդերձ, հարկ է նշել, որ կոտորածների կազմակերպիչների բացայատման հարցում ֆրանսիացի ժամանակակիցների մեկնարանութիւնները եւս ոչ միայն հեռու են սպառիչ լինելուց, այլեւ միանշանակ չեն։ Կիլիկիահայութեան բնաջնջման համար նրանք պատասխանատու են համարում սուլթան Արդուլ Համիդին, որն իր բացարձակ իշխանութեան վերահաստատման նպատակով յղացել է Բոսֆորից մինչեւ Եգիպտոս։ Փոքր Ասիայի ամբողջ տարածքում բնակուող բոլոր ժողովուրդների «համընդիանուր կոտորած»ի իրականացման «հրեշտակ ծրագիր»։ Նրանց մեկնարանութիւններից կարելի է սոսկ կռահել, որ արեւմտահայութիւնը լայնածաւայ բնաջնջումից փրկուել է, քանզի սահմանադրական զօրքերի միջամտութեան չնորհիւ կոստանդնուպոլսում տապալուել է Արդուլ Համիդի վերահաստատուած իշխանութիւնը, ինչը կանխել է Սուլթանի՝ Կայսրութեան տարածքում բնակուող բոլոր ժողովուրդների ոչնչացմանն առնչուող հրէշտակ ծրագրի իրականացումը<sup>166</sup>։ Կիլիկիայում տեղի ունեցած կոտորածների առնչութեամբ եւրոպացի ժամանակակիցներն իրաւամբ նշելով, որ յետադիմական ուժերն այստեղ գործելու լայն հնարաւորութիւններ են ունեցել, այդուհանդերձ, երիտթուրքերի զեկավար դերի մասին որեւէ ձեւով յստակօրէն չեն մատնանշում։ Նրանք բաւարարւում են սոսկ կոտորածների երկրորդ փուլին՝ սահմանադրական զօրքերի ունեցած մասնակցութեան յիշատակմամբ<sup>167</sup>, հաւաստում հայերի կրած մարդկացին եւ նիւթական մեծ կորուստները, ինչպէս նաեւ նրանց բնաջնջման մեղաւորներ համարում Զեւադին եւ Ռեմզիին<sup>168</sup>։

Ինչ վերաբերում է Վեսսիէի միջամտութիւններին, ապա դրանք իրադարձութեան շուրջ հեղինակի յստակ դիրքորոշման մասին չեն վկայում։ Հեղինակացին խօսքը նշմարւում է հազուադէպ։ Կարելի է ասել, որ նա թերեւս ամբողջութեամբ չի պատկերացրել հայկական կոտորածներին առնչուող հանգամանքները, որոնց շուրջ ցանկութիւն է դրսեւորել յստակութիւն սահմանել։ Ի վերջոյ, 1909ի կիլիկիահայութեան ջարդերը նա բնորոշում է ոչ միայն իրեւ «նորագոյն ժամանակներում արձանագրուած ամենասարսափելի կոտորածներից մէկը»<sup>169</sup>, այլեւ՝ «հակաքրիստոնէական շարժում»<sup>170</sup>, հարցի մեկնարանութիւնն,

այսպիսով, սահմանափակելով գլխաւորապէս կրօնական առճակատման շրջանակներում։ Աւելին, կոտորածների հեղինակները նա համարում է քրդերին<sup>171</sup>։ Նման մակերեսային մեկնարանութիւնները վկայում են, որ իրադարձութիւնների ականատեսներից ստացած բազմազան եւ, անտարակոյս, երբեմն չհամընկնող, անգամ հակասական, տեղեկութիւնների հանդէպ նա չի դրսեւորել քննադատական մօտեցում, ի վիճակի չի եղել թերեւս կողմնորոշուելու 1909ի կոտորածներին վերաբերող առանցքային հարցերում եւ, ըստ էութեան, չի ըմբռնել նոյնիսկ դրանց իրականացումը պետական քաղաքականութեան մակարդակով։

Իրականութեանը չհամապատասխանող գնահատականներ պարունակող Վեսսիէի յօդուածն, ընդհանուր առմամբ, յիշեցնում է շատ աւելի՝ յուշապատում, քան՝ գիտական ուսումնասիրութիւն։ Ուստի՝ մեր համոզմամբ այն ունի շատ աւելի աղրիւրագիտական, քան գիտական արժէք։ Ամէն դէպքում, քանի որ նրա յօդուածը եւրոպական հասարակութեան ուշադրութիւնը կիլիկիահայութեան կոտորածների վրայ հրաւիրելու փորձ է, ապա յատկանշական է արժեւորել գլխաւորապէս դրանաչողական նշանակութիւնը։

## RENÉ MOULIN

Օսմանեան Կայսրութիւնում ընթացող քաղաքական խմորումներին եւ դրանց հենքի վրայ 1909ին կիլիկիայում հայկական կոտորածներին տարրեր կտրուածքներով անդրադարձել են ֆրանսիացի մի շարք այլ պատմաբաններ։ Պատմագիտական տեսանկիւնից առաւել արժէքաւոր է Ռընէ Մուլէնի՝ երիտթուրքերի իշխանութեան գալու ժամանակաշրջանում թուրքիայում տիրող իրավիճակին նուիրուած գիրքը<sup>172</sup>։ Թէեւ նա չի հետապնդել 1909ի կիլիկիահայութեան կոտորածները մանրամասնօրէն ուսումնասիրելու նպատակ, այնուամենայնիւ, թուրքիայում տիրող ընդհանուր իրավիճակին տուած նրա գնահատականները հնարաւորութիւն են ընձեռում ճշգրտելու հեղինակի դիրքորոշումն այս խնդրին առնչուող մի շարք էական հարցերում։ Այստեղ կ'անդրադառնանք երկու հիմնահարցի շուրջ հեղինակի մեկնարանութիւններին։

Մուլէնը մանրամասնօրէն քննարկում է ազգային հարցի առանձնայատկութիւնները թուրքիայում 1908ի երիտթուրքական յեղափոխութիւնից յետոյ եւ ջանում մեկնարանել ազգային փոքրամասնութիւնների հանդէպ իշխանութեան եկած նոր ուժերի քաղաքականութեան էութիւնը։ Օսմանեան Կայսրութիւնում ազգամիջեան փոխարարերութիւններին քաջատեղեակ հեղինակն, իրաւամբ, որեւէ կասկած չի տա-

ծում, որ մահմեղական բնակչութիւնը խիստ բացասական վերաբեր-  
մունք է գրսեւորել 1908ին ազդարարուած՝ 1876ի Օսմանեան սահմա-  
նագրութեան վերահաստատման հանդէպ: Նա նշում է, որ քրիստոնեա-  
ների եւ մահմեղականների իրաւահաւասարութեան հռչակմամբ Անա-  
տոլիայում բնակուող մահմեղական գիւղացիների ոգեւորումը, սուլ-  
թանի՝ իրենց շնորհած արտօնութիւնների կորստի հետ ալյանացիների  
համակերպումը, «հայերին այլևս չկոտորելու», «նոյնիսկ իրենց զոհե-  
րի փոխարէն դատուելու ու նահապատժի ենթարկուելու» գաղափարի  
հետ քրդերի հաշտուելը, ինքն ընկալել է իրրեւ «ցնորական ուտոպիա»՝  
դեռեւ նախքան Աղանայի կոտորածները<sup>173</sup>: Ինչպէս տեսնում ենք,  
քրիստոնեաններին իրրեւ ստորադասների վերաբերուելու՝ կայսրութեան  
տարածքում բնակուող մահմեղականների մօտ դարերից ի վեր արմա-  
տացած մտայնութեան բացայայտման հարցում (ինչը դասւում է հոգե-  
բանական գործօնների շարքում), հեղինակը դրսեւորում է անկողմնա-  
կալ մօտեցում:

Ինչ վերաբերում է, սակայն 1908ի յեղափոխութիւնից յետոյ Օսման-  
եան պետութեան ղեկավարման մէջ երիտթուրքերի ունեցած մասնակ-  
ցութեանը, Մուլէնի մեկնարանութիւններում ակնյայտ է նրանց ղեկա-  
վար դերն անհարկի նսեմացնելու միտում: Նա գտնում է, որ 1908 Յուլի-  
սից մինչեւ 1909 Ապրիլ՝ երիտթուրքերն ունեցել են շատ համեստ դեր,  
որն, ըստ էութեան, չէր կարող վճռորոշ նշանակութիւն ունենալ կարե-  
ւոր հարցերին լուծում տալու ասպարէզում: Երկրում տեղի ունեցած  
զանազան գործընթացներում երիտթուրքերի պատասխանատուութեան  
նուազեցման մասին է վկայում նաեւ հեղինակի այն հաւաստումը, թէ՝  
նրանք պետութիւնը ղեկավարել են կառավարման այնպիսի անձնակազ-  
մի միջոցով, որի «մեծանասնութիւնը հաւաքազրուել էր իին վարչա-  
կարգի համագործակիցների թուից»: Հաշուի չառնելով, սակայն, որ  
տուեալ պարագայում խօսքը վերաբերում է սոսկ ենթակայ պաշտօնեա-  
ներին, որոնք չէին կարող մշակել պետական քաղաքականութեան գե-  
րակայ ուղղութիւնները, հեղինակը յանգում է անընդունելի հետեւու-  
թեան. «Դրականում պարտականութիւնների կատարմանը երիտթուր-  
քերը ձեռնամուխ են եղել 1909 Ապրիլ ամսից ի վեր: Շիշտ կը լինի, ար-  
դարացի կը լինի, նրանց գործունեութեան մասին դատողութիւններ ա-  
նել, նրանց պատասխանատուութիւնը ճշգրտել սկսած այն պահից,  
երբ նրանց գործունեութիւնը կեանքի է կոչուել ամրող բափով»<sup>174</sup>: Այս  
եղբայանգմամբ նա երիտթուրքերին, ըստ էութեան, զերծ է պահում  
1908ի յեղափոխութիւնից յետոյ Օսմանեան իշխանութեան առջեւ ծա-

ուացած գանազան հարցերի լուծմանն ունեցած մասնակցութիւնից եւ նրանց վրայ բարդուող պատասխանատուութիւնից: Իրականում, երիտթուրքերը, ինչպէս ապացուցել են խորհրդային թուրքագէտները, յեղափոխութիւնից յետոյ իրենց կազմակերպութիւնը վերածելով Միութիւն Եւ Առաջադիմութիւն քաղաքական կուսակցութեան՝ ի սկզբանէ իրենց ձեռքում են կենտրոնացրել փաստական իշխանութեան դեկր եւ տուեալ ժամանակաշրջանում Օսմանեան Կայսրութիւնում տեղի ունեցած բոլոր իրադարձութիւնների գլխաւոր պատասխանատուներն են<sup>175</sup>:

Հարկ է նշել, որ Մուլէնը բազմից անդրագառում է օսմանացման քաղաքականութեան կիրառմանը, ընդհանուր գծերով յիշատակում թուրքիայում բարենորոգումների կողմնակիցների հետապնդած նպատակների մասին: Հեղինակը թէպէտ չի պարզաբանում քաղաքական տարրեր ուղղութիւնների ներկայացուցիչների ինքնութիւնը, այդուհանդերձ, շատ աւելի համակրում է ոչ թէ «քաղաքացիական եւ կրօնական հաւասարութեան հիման վրայ ազգութիւնների համատարած ձուլման»ը, այն է՝ բռնի օսմանացմանը հետամուտ քաղաքական ուժերին, այլ՝ թուրք յայտնի քաղաքական գործիչ Սարահէղդինի կողմնակիցներին: Քանի որ վերջիններս, ի տարրերութիւն՝ վարչական կենտրոնացման ջատագով Միութիւն Եւ Առաջադիմութիւն կուսակցութեան անդամների<sup>176</sup>, հետամուտ էին Օսմանեան թուրքիայի ոչ թէ քաղաքական, այլ վարչական ապակենտրոնացմանը եւ սահմանադրական միապետութեան հաստատմանը<sup>177</sup>, Մուլէնը գտնում է, որ նրանք «ի վիճակի էին էրնիկական խմբաւրումների համար ապահովել վարչական երաշխիքները»<sup>178</sup>: Ցուցաբերելով իրատեսական մօտեցում՝ նացաւով արձանագրում է, որ հայերի կողմից նոր իշխանութիւններին ներկայացուող պահանջները անհանգստացնում էին նրանց, ովքեր «երազում էին հայկական տարրի համատարած թափանցումը՝ թուրքական տարրի մէջ»<sup>179</sup>: Այդ պահանջները հայերի անվտանգութեան եւ արդարութեան ապահովմանն էին վերաբերում: Հայ ժողովրդի ձուլման տարրերակը նա իրաւամբ համարում է «անհնարին» եւ ընդգծում, որ մեծամասնութիւն կազմող «խելամիտ» թուրքերը մերժում էին նման «վտանգաւոր միտումները»<sup>180</sup>:

Մուլէնն անուղղակիորէն նուազեցնում է նաեւ իշխանութեան գլուխ անցած երիտթուրքերի պատասխանատուութիւնն ազգային հայտեաց քաղաքականութեան ասպարէզում: Հեղինակն «ազգութիւնների հարց»ը համարում է ոչ միայն ամենաբարդը, այլև այն ընորոշում է իրեւ «յաւերժական հակամարտութիւն, որը տարանջատում է իշխող

բուրքին եւ նուաճուած ժողովուրդներին», հաւաստում, որ երկրում չկար որեւէ հարց, որի լուծումն աւելի մեծ դժուարութիւններ յարուցէր<sup>181</sup>: Ազգային հարցին նրա մօտեցման անկիւնաքարը բազմիցս շեշտուող՝ քրիստոնեաների հանդէպ մահմեղականների մօտ արմատացած խոր ատելութեան հանգամանքն է:

Այս հայեցակարգի շրջանակներում Մուլէնը սոսկ հպանցիկ յիշատակում է նաեւ «Աղանայի սարսափելի իրադարձութիւններ»ի մասին<sup>182</sup>: Նա ոչ միայն շրջանցում է Կիլիկիայում տեղի ունեցած հայկական կոտորածներին առնչուող մանրամասները, որոնց անդրադառնալը, հաւանաբար, նրա հիմնական խնդիրների մէջ չի ընդգրկուել, այլեւ ամենայն հաւանականութեամբ՝ անհրաժեշտ տեղեկատուութեան բացակայութեան պայմաններում՝ չի անդրադառնում նաեւ կոտորածների պատճառներին, դրանց զարգացման փուլային ընթացքին: Նա ձեռնպահ է մնում նոյնիսկ նուազագոյն մեկնարանութիւններից: Ըստ ստացուող տպաւորութեան՝ Հեղինակը «Երեք քաղաք»ում եւ «Եօթանասուն զիւդ»ում բնակուող հայութեան բնաջնջման պատասխանատուութիւնն ամբողջութեամբ բարդում է քուրդ մարդասպանների վրայ, որոնց՝ աւերածութիւններ սփռելու մոլուցքը ոչ մէկի չի խնայել եւ պատճառ է դարձել Փոքր Ասիայի ամենաբարգաւաճ նահանգներից մէկի ամայացմանը մի քանի ժամում<sup>183</sup>:

Մուլէնն արդարացի է համարում հայերի՝ փոխհատուցում ստանալու եւ «քոլոր մեղատրներին» պատժելու պահանջները, որոնց թւում, ըստ նրա հայեցակարգի՝ երիտթուրքերը կամ սուլթանական վարչակարգի պաշտօնեաներն ընդգրկուում են այնքանով, որքանով դաւանում են իսլամը: Այսպիսով, նա յանիրաւի ժխտում է Օսմանեան ղեկավար գործիչների քաղաքական դրրդումով փոքր-իսկ մասնակցութիւնը հայկական կոտորածների կազմակերպմանն ու սանձազերծմանը, դրանց պատասխանատուութիւնը ընդհանուր առմամբ բարդելով նրանց՝ (գուցէ՝ իրրեւ իսլամի հետեւորդների վրայ) կրօնական պատկանելիութեան վրայ:

Հեղինակը բազմիցս հաճոյքով ընդգծում է Օսմանեան կառավարութեան «քարի կամքը» ոճրագործութեան մեղաւորներին պատժելու հարցում<sup>184</sup>, սակայն նրա անվճռականութիւնը բացատրում է մահմեղականների մօտ արմատացած՝ հայերի հանդէպ անրարեացակամ վերաբերմունքով եւ փորձում նոյնիսկ արդարացնել այդ «անվճռականութիւն»ը: «Կոտորածների հեղինակներին՝ մահմեղականներին (ընդգծումը մերն է - Վ.Պ.) հարուածելն արդեօք հաւասարազօր չէր նոր

վարչակարգի վարկարեկնան այն ժողովուրդների աշքում, որոնք [արդէն] գրգռուել էին 1908ի յուլիսեան իրադարձութիւններին յաջորդած՝ հայերին համակած մեծ ուրախութեան և յաղթական կեցուածքի պատճառով», - գրում է նա<sup>185</sup>: *Մուլէնը, փաստօրէն, Օսմանեան պաշտօնեաներին յանդիմանում է միայն այն բանի համար, որ նրանք դարձել են «սարսափի և կողոպուտի տեսարանների ներողամիտ և անվրդով վկանները»*<sup>186</sup>:

Այսպիսով, ինչպէս տեսնում ենք, 1909ին Կիլիկիայում տեղի ունեցած Հայկական կոտորածները Մուլէնը մեկնարանում է բացառապէս Հայերի եւ մահմեղականների միջեւ կրօնական դաւանանքների զանազանութեան հետեւանքով դարերից ի վեր խոր արմատներ ձգած Հակակրանքով: Միանգամայն ակնյայտ է, որ այս պայմաններում, թէ՛ երիտթուրքերի եւ թէ՛ Մուլթանի պաշտօնեանների վրայ փոքր-իսկ պատասխանատուութիւն բարդելու մտադրութիւնից հեռու հեղինակն անտեսում է կոտորածների՝ պետական քաղաքականութեամբ պայմանաւորուած լինելու իրողութիւնը:

Մուլէնը մեղաւորների դատավարութեան առնչութեամբ՝ մահմեղականների մեղսակացութիւնը Հայկական կոտորածներին համարելով «անառարկելի», որեւէ կասկած չի տածում շատ Հայերի վրայ բարդուած պատասխանատուութեան անհիմնութեան մասին, որոնք սակայն «ձերբակալուել են, յանձնուել ու զմական դատարանին եւ մահապատժի ենթարկուել»<sup>187</sup>:

Մուլէնն անդրադառնալով Հայկական Հարցին՝ երիտթուրքական յեղափոխութիւնից յետոյ, հաւաստում է առաջինը սահմանադրութիւնը ողջունած Հայերի՝ նոր իշխանութեանը սատարելու պատրաստակամութիւնը: Հայերի գանգատները նա համարում է «օրինական», իսկ անվտանգութեան եւ արդարութեան երաշխիքներին առնչուող պահանջները՝ «համեստ»: Նոյնիսկ այս պայմաններում, սակայն, ելնելով իր համոզմունքներից՝ Մուլէնն անարդարացիօրէն պնդում է, որ «երիտթուրքերը ժառանգորդներն են մի իրավիճակի, որի ստեղծմանը նրանք բացարձակապէս չեն նպաստել եւ հարկադրուած են» ժողովրդական շարժմամբ զահընկեց լինելու սպառնալիքի տակ, դիմել փոխզիջումների եւ կիսատ-պոատ միջոցների, որոնք հակասում են իրենց անժխտելի բարի կամքին»<sup>188</sup>:

Միաժամանակ Հարկ է նշել, որ մեր կարծիքով, Մուլէնը գիտակցարար չի խեղաթիւրել իրականութիւնը: Կիլիկիահայութեան բնաջնջման Հարցում նրա դիրքորոշումը պայմանաւորուած է եղել, հաւանարար,

Թուրքիայում ընթացքի մէջ գտնուող իրադարձութիւնների մեկնաբանման նրա ընդհանուր հայեցակարգով։ Ամենայն հաւանականութեամբ, նա թերեւս չի ըմրունել երիտթուրքական յեղափոխութեան իրական իմաստը, չի կողմնորոշուել իշխանութեան եկած եւ ազգայնամոլութեամբ համակուած գաղափարախօսութիւն որդեգրած քաղաքական նոր ուժերի հեռահար մտադրութիւնների լարիրինթոսում։ Հակառակ դէպքում ի՞նչով բացատրել այս ժամանակաշրջանում դեռեւս օսմանացման քաղաքականութեան կիրառման հարցում երիտթուրքերի հանդէպ նրա բռնած բացասական, սակայն խիստ չափաւոր դիրքորոշումը։ Արդիւնքում՝ հայկական կոտորածների շուրջ նրա մեկնաբանութիւնները թէ՛ թերի են, թէ՛ մակերեսային եւ թէ՛ իրականութեանը չհամապատասխանող։ Ըստ այդմ՝ նրա հիմնական եզրակացութիւնները, որոնք մենք հակուած չենք դիտելու իրրեւ Օսմաննեան կառավարութեան հակահայ քաղաքականութիւնն արդարացնելու փորձ, այդուհանդերձ, անուղղակիօրէն նպաստում են դրան։

A. SARROU, COMTE DE LANDEMONT, H. BARBY, P. LOUIS,  
I. PAUL, L. COLLAS

1909ի կիլիկեան կոտորածներին տուած գնահատականի հարցում իրադարձութիւնների ականատես Ա. Սարրուն, անտարակոյս, տուրք է տալիս անհարկի ծայրայեղութիւնների, հայկական կոտորածների պատասխանատու ճանաչում բացառապէս համիդեան վարչակարգը, ինչը պայմանաւորուած է երիտթուրքերի քաղաքականութիւնը եւ նրանց զաղափարները մեծարելու նրա դիրքորոշմամբ։ Նա ապացուցում է, որ համիդեան յեղաշրջմանը յաջորդած օրերին երիտթուրքերի իշխանութիւնն Օսմաննեան կայսրութեան տարածքում, այդ թւում հայկական վիլայէթներում, չի սասանուել շնորհիւ նախկին ութ ամիսների ընթացքում նրանց ծաւալած գործունէութեան, ինչի հետեւանքով «նոր զաղափարներն արդէն արագ տարածում են գտնել»։

Ինչ վերաբերում է սակայն Կիլիկիային, ապա նա իրաւամբ ընդունում է, որ այստեղ յետաղիմութիւնն ունեցել է պարարտ հող, իսկ «պաշտօննեանները, բուում է, թէ ոչինչ չեն հակադրել կոտորածների հրահրիչների սաղրանքներին»<sup>189</sup>։ Սակայն ամբողջովին չկողմնորոշուելով ոչ միայն Կիլիկիայում, այլեւ Կայսրութեան տարածքում առհասարակ երիտթուրքերի ազգայնամոլ քաղաքականութեան ոլորտում, Սարրուն գտնում է, որ «սարսափելի ոճիրները պատուազրկում են իին՝ համիդեան վարչակարգը, այլ ոչ թէ Երիտասարդ Թուրքիային»

եւ քննադատական խօսքեր է ուղղում նրանց հասցէին, ովքեր ջանացել են վարկարեկել երիտթուրքերին<sup>190</sup>: Այսպիսով, երիտթուրքերին յանիրաւի ամրողջութեամբ զերծ պահելով հայկական կոտորածների կազմակերպման հարցում փոքր-իսկ պատախանատուութիւնից, նա, փոխարէնը, կիլիկիահայութեան կոտորածների համար մեղաւոր է ճանաչում միայն սուլթանական վարչակարգին եւ յանգում միանգամայն անընդունելի եզրակացութեան. «Հաւաստի է, որ միեւնոյն կուսակցութիւնն էր, որը կազմակերպեց յետադիմութիւնը մայրաքաղաքում եւ կարգադրեց իրականացնել Ադանայի սարսափելի կոտորածները»<sup>191</sup>:

Փոխարէնը, բոլորովին այլ է Կոմս դը Լանդեմոնի դիրքորոշումը: Թէ՛ 1908-1909ի Օսմանեան Կայսրութիւնում տեղի ունեցած քաղաքական խմորումների եւ թէ՛ կիլիկեան կոտորածների շուրջ հաղորդելով մակերեսային տեղեկութիւններ, նա հայկական կոտորածների պատախանատու համարում է միմիայն երիտթուրքերին: Կիլիկիահայութեան բնաջնջման հարցում նման մօտեցումը միանգամայն համահունչ է 1908ից յետոյ Օսմանեան Կայսրութիւնում առկայ քաղաքական իրավիճակին տրւած նրա ընդհանուր գնահատականին, ըստ որի երիտթուրքերն իրենց ձեռքում են կենտրոնացրել «հասարակական գործեր»ի ղեկավարումը<sup>192</sup>: Կոմս դը Լանդեմոնը երիտթուրքերին բացայացորէն մեղադրում է հայկական կոտորածներ կազմակերպելու մէջ, շեշտում «կարգը վերականգնելու համար ուղարկուած զօրքեր»ի մասնակցութիւնը կողոպուտին եւ սպանութիւններին<sup>193</sup>: Հեղինակը, շատ աւելի ծաւալում է Փրանսիացի միսիոնէրների՝ քրիստոնեաներին ցուցաբերած օգնութեան շուրջ, քան՝ բուն իրադարձութեան: Ամէն դէպքում, նա մատնանշում է երիտթուրքերի՝ «Ադանայի կոտորածների» իրողութիւնը ժխտելու կամ առնուազն դրանց «կարեւորութիւնը քողարկելու» ուղղութեամբ գործադրած ջանքերը<sup>194</sup>: Քանի որ դը Լանդեմոնն ամրողջութեամբ անտեսում է սուլթանական վարչակարգի մեղսակցութիւնը կիլիկիահայութեան ոչնչացման փորձերին, նրա մեկնաբանութիւնները մնում են, այդուհանդերձ, թերի:

Փաստօրէն միեւնոյն դիրքերից է 1909ի կիլիկեան կոտորածները մեկնաբանում Փրանսիացի լրագրող, Ժուրնալ թերթի զինուորական թղթակից՝ Անրի Բարբին՝ գլխաւորապես 1915ի Մեծ Եղեռնի պատմութեանը նուիրուած գրքում: Միանգամայն իրաւամբ նա մատնանշում է, որ իշխանութեան գալուց յետոյ երիտթուրքերը սոսկ շարունակել են կենսագործել իրենց կողմից գահընկէց արուած Արդուլ Համիդ Բ.ի մտայդացած՝ հայերի բնաջնջման ծրագիրը, ինչի մասին վկայում են

1909ի Ադանայի կոտորածները<sup>195</sup>: Սահմանափակուելով որոշ մանրամասների թուարկմամբ, Բարբին յանգում է, մեր կարծիքով ընդունելի հետեւութեան, այն է՝ միայն Եւրոպայից երկիւղն է խոչընդուտել «Թուրքիայի նոր տիրակալներին» ծաւալել կոտորածներն ամրող Հայաստանի տարածքում<sup>196</sup>:

Պատասխանատուների բացայայտման հարցում Բարբիի մօտեցումը պայմանաւորուած է բացառապէս Հայոց Յեղասպանութեան հանդէպ որդեգրած նրա իրատեսական հայեցակարգով, ըստ որի իրադարձութեան նախակարապետն Արդուլ Համիդ Բ.Ն է: Հարկ է սակայն մեկնարանել, որ ինչ վերաբերում է կիլիկեան կոտորածներին, որոնց ծաւալուն վերլուծութիւնն, ի դէպ, նրա խնդիրներում չի ընդգրկուել եւ ըստ այդմ՝ նրա շարադրանքում սոսկ թուուցիկ արտացոլուել են դրանց առնչուող որոշ հանգամանքներ, ապա՝ նա, այդուհանդերձ, հարցը քննարկում է կիլիկիահայութեան ոչնչացման ծրագրի պատասխանատուութիւնը միայն երիտթուրքերի վրայ բարդելու դիրքերից, շրջանցելով նախկին վարչակարգի դերի եւ մասնակցութեան հանգամանքը:

Կիլիկեան կոտորածները հարեւանցիօրէն, քննարկում է նաեւ Պ. Լուին՝ իրադարձութիւնների անմիջական տպաւորութեան տակ գրուած՝ երիտթուրքական յեղափոխութեանը նուիրուած արժէքաւոր յօդուածում<sup>197</sup>: Հեղինակը, ինչպէս եւ Փրանսիացի ժամանակակիցների գերակշռող մասը, մեծ տեղ է յատկացնում «իսլամական մոլեուանդութեան»ը, ինչը, նրա կարծիքով, պատճառ է դարձել ապրիլեան կոտորածներին<sup>198</sup>: Միաժամանակ նա ամբողջութեամբ անտեսում է ոչ միայն դրանց իրականացումը պետական քաղաքականութեան մակարդակով եւ երիտթուրքերի զեկավար դերը, այլեւ նրանց մասնակցութիւնն իրադարձութեանը: Այս առիթով նա յստակօրէն յայտնում է իրականութեանն ամէնեւին չհամապատասխանող իր կարծիքը: «Ոչինչ չի ապացուցում, որ Ալեքսանդրէտի Ծոցի կոտորածներն առնչում են յեղափոխութեանը, եւ որ այլ ժամանակներում դրանք չեն ծաւալուի շատ աւելի արագօրէն»: Զկողմնորոշուելով կոտորածների պատճառների հարցում, Հեղինակը կիլիկիահայութեան բնաջնջման միակ մեղաւորներ է ճանաչում «մոլեուանդ քրդեր»ին, որոնք առաջին անգամը չէ - ինչպէս նա նշում է - որ յարձակումներ են գործել հայերի վրայ<sup>199</sup>:

Կիլիկեան կոտորածների փաստը հպանցիկ արձանագրում է ի. Պոլը, որը սակայն կազմակերպիչների բացայայտման հարցում որոշակի կարծիք չի յայտնում<sup>200</sup>: Այս հարցի շուրջ նրա դիրքորոշման մասին կարելի է սոսկ կռահել ելնելով 1908ին հաստատուած երիտթուրքերի իշխանու-

թեան օրօք Արդուլ Համիդի՝ երկրում ունեցած դերին տուած նրա գնահատականից, ըստ որի՝ Սուլթանը նոր վարչակարգի վրայ ունեցել է «գերիշխող ազդեցութիւն», իսկ «նրա փորձը չի դադարել մատուցել կարեւոր ծառայութիւններ»:<sup>201</sup> Սրանից հետեւում է, որ թէեւ Պոլն այս հարցում պարզորոշ չի յայտնել իր կարծիքը, այնուամենայնիւ, 1909ի հայկական ջարդերի պատասխանատուների շարքում անուղղակիօրէն դասել է ե՛ւ Սուլթանին, ե՛ւ երիտթուրքերին:

Լ. Կոլյան հպանցիկ հայեացք նետելով 1909ին «յատկապէս Աղանայի տարածաշրջանում» տեղի ունեցած հայկական կոտորածների վրայուրոնք մարդկանց լիշողութեան մեջ արթնացրել են 1895ի սարսափները՝ գերադասում է լուսութեամբ շրջանցել պատասխանատուների բացայտման հարցը<sup>202</sup>:

## ՀԱՄԻԴԵԱՆ ԵՒ ԵՐԻՏԹՈՒՐՔԱԿԱՆ ԱԶԳԱՅՆԱՄՈՒՔԱՂԱՔԱԿԱՆՈՒԹԻՒՆԸ

Հարկ է չանտեսել նաեւ ֆրանսիացի այն պատմարաններին, ովքեր անտեսելով 1909ի կիլիկիահայութեան կոտորածները, այնուամենայնիւ, հիմնաւորապէս բացայայտում են երիտթուրքերի ազգայնամոլ քաղաքականութեան էութիւնը, քանզի նրանց բացայայտող գնահատականները մեծապէս նպաստում են ճիշտ կողմնորոշուելու երիտթուրքերի վարած ազգային քաղաքականութեան ասպարէզում:

Երիտթուրքական յեղափոխութեանը եւ երիտթուրքերի քաղաքականութեանն ընդհանուր գծերով անդրադառնում է Արեւելեան հարցի պատմութեան յայտնի գիտակ Ռենէ Պինոնը, որն ուսումնասիրութեան շրջանակից դուրս է թողնում այս կամ այն քրիստոնեայ ժողովրդի հանդէպ երիտթուրքերի վարած ցեղասպան քաղաքականութեան մանրամասները, սակայն, փոխարէնը, խօսքը հանգամանօրէն կենտրոնացնում է ինչպէս երիտթուրքական շարժման, այնպէս էլ 1908ի յեղափոխութեան ազգայնամոլ էութեան վրայ:<sup>203</sup> Թուրքերին նա համարում է ուազմատենչ ժողովուրդ, որը 1908ի յեղափոխութիւնն իրականացրել է ելնելով շատ աւելի իր ազգայնամոլութիւնից, անկախութիւնը պահպանելու ձգտումից, քան յանուն քաղաքական ազատութեան ձեռք բերման<sup>204</sup>:

Պինոնն իրաւամբ ընդհանրութիւն է տեսնում մի կողմից Արդուլ Համիդի վարած մահմեղականացման եւ օսմանացման քաղաքականութեան, իսկ միւս կողմից միեւնոյն քաղաքականութեանն ընդհանուր գծերով հետամուտ երիտթուրքերի միջեւ, սակայն միաժամանակ մատնանշում է, որ նրանց գործունէութեան հիմնական տարրերութիւնը

յանգում էր սոսկ կիրառման միջոցներին, այլ ոչ թէ նպատակներին<sup>205</sup>: Ի տարբերութիւն այլոց՝ Պինոնը յաւուր պատշաճի արժեւորում է խիստ էական մի հանգամանք՝ շեշտում է եւ իրաւացիօրէն քննադատում երիտթուրքերի կողմից օսմանացման քաղաքականութեան կիրառումը: Ցղելով նրանց ծրագիրը, որտեղ ամրագրուած է օսմանացման քաղաքականութեան կիրառման անհրաժեշտութիւնը, նա այն մեկնարանում է ոչ այլ կերպ, քան իրեւ Օսմանեան Կայսրութիւնում «այլազգիների ոչնչացում»<sup>206</sup>:

Պինոնի անուրանալի արժանիքներից է նաեւ պանխսլամիզմի ակունքների բացայայտման փորձը: Ուսումնասիրելով թուրք ժողովրդի հոգերանութիւնը, նա մատնացոյց է անում այն փաստը, որ Օսմանեան Կայսրութիւնում «հայրենիք» եւ «ազգ» հասկացութիւնները եղել են համարժէք, ուստի՝ «ազգային հայրենասիրութեան» վերելքն, այս պայմաններում, կարող էր իրեւ հետեւանք յանգեցնել միայն «պանխալամիզմի»: Արդիւնքում, նա հաւաստում է, որ ըստ «քուրք գիտացու» հոգերանութեան՝ «մահմեղականը եղբայր է, քրիստոնեան՝ թշնամի, Սուլթանը՝ տէր»<sup>207</sup>:

Պինոնի իրատեսական եզրակացութիւնները, որոնց հնարաւոր չէ առարկել, հիմնաւորում են երիտթուրքերի քաղաքականութեան ազգայնամոլ բնոյթը, որը չյապաղեց իրեն զգալ տալ 1909ի կիլիկիահայութեան ոչնչացման պարագայում:

Դ. Գիորգիադէսն ուշադրութիւնը կենտրոնացնում է գլխաւորապէս բալկանեան ժողովուրդների նկատմամբ երիտթուրքերի վարած քաղաքականութեան վրայ: Համեմատականներ անցկացնելով երիտթուրքական եւ համիդեան վարչակարգերի միջեւ, նա բազմիցս նշում է, որ քաղաքական նոր ուժերի իշխանութեան հաստատումից ի վեր՝ Օսմանեան Կայսրութեան տարածքում շարունակուում էին կիրառուել «նախկին ահարեկչական վարչակարգի ամենանողկալի գործելամիջոցները»<sup>208</sup>, քանզի երիտթուրքերը պահպանել էին նախորդների բոլոր սովորոյթները եւ աւանդոյթները, որոնցից, ի դէպ, յեղափոխութիւնից առաջ տուժել էին առաջին հերթին իրենք<sup>209</sup>:

Գիորգիադէսը երիտթուրքերի որդեգրած օսմանացման անիրագործելի քաղաքականութիւնն իրաւամբ համարում է ուտոպիա եւ գտնում, որ հարկ էր պատմական անցեալից ոչինչ չհասկանալ՝ նման մտադրութեան իրականացմանը հաւատ ընծայելու համար<sup>210</sup>: Երիտթուրքերից նա առանձնացնում է «մոլեռանդ ազգայնամոլներ»ին եւ «շուլինիստ-

ներ»ին<sup>211</sup>, որոնց համարում է քաղաքակրթութեան ու առաջադիմութեան երդուեալ թշնամիներ<sup>212</sup>:

Ամրողջ խորութեամբ ըմբռնելով, մասնաւորապէս քրիստոնեայ ժողովուրդների նկատմամբ նրանց ազգայնամոլ քաղաքականութեան էութիւնը, հեղինակը գտնում է, որ նոր վարչակարգի հիմքում խարսխուած էին «կայսրութեան քրիստոնեաների հանդէպ դրսեւորուող վայրենի կրթերը»<sup>213</sup>: Նրա կարծիքով, իշխանափոխութիւնը Թուրքիայում ոչնչի, ըստ էութեան չի յանգեցրել, իսկ իշխանութիւնը գրաւած «ահարեկիշների բանակը» որդեգրել է՝ «պատերազմ՝ քրիստոնեաների [դէմ]» նշանարանը<sup>214</sup>: 1909ի կոտորածները Կիլիկիայում շատ աւելի, քան որեւէ այլ իրադարձութիւն, հաւաստում են նրա հիմնական եզրակացութիւնների իրատեսութիւնը:

Ցայտնի հրապարակախօս Վիկտոր Բերարը տարբերութիւն չի նշմարում քրիստոնեայ հպատակների նկատմամբ Օսմանեան զանազան վարչակարգերի կիրառած քաղաքականութեան միջեւ: Օսմանեան կայսրութիւնում միմեանց յաջորդած վարչակարգերին եւ քաղաքական ուժերին քաջածանօթ հեղինակը միանգամայն իրաւացիօրէն գտնում է, որ անկախ որդեգրած գաղափարախօսութիւնների միջեւ առկայ տարբերութիւններից, Օսմանեան իշխանութիւնները գործնականում յանգել են համանման արդիւնքների: Թուրքական նուաճումից ի վեր, ինչպէս նա նշում է, սուլթանութիւնը (sultanat) լինելով «Փեղալական, բիրոկրատական, սահմանադրական, համիլեան թէ երիտրուրքական, թում է, թէ Մակեդոնիայուն եղել է միայն վայրագութիւնների վարչակարգ»<sup>215</sup>: Այս հակիրճ, սակայն դիպուկ գնահատականը միանգամայն ընորոշ է նոյն պետութեան Արեւմտեան Հայաստանում եւ Կիլիկիայում վարած քաղաքականութեանը: Դրա վառ ապացոյցն են 1909ի կոտորածները, որոնք, սակայն, դուրս են մնում Բերարի ուշադրութիւնից:

Երիտթուրքերի քաղաքականութիւնն ազգային հարցում անկողմնակալօրէն, սակայն կրկին առանց կիլիկիահայութեան ողբերգութեանն անդրադառնալու, քննարկում է ուազմական գործիչ Բուկարէյը, որը, սակայն, ինդիրը մեկնարանում է խիստ սահմանափակ տեսանկիւնից՝ պարփակելով այն քրիստոնեաների հանդէպ մահմեդական բնակչութեան անհանդուրժողականութեան շրջանակում: Հոգերանական այս հանգամանքով է նա բացառապէս պայմանաւորում իշխանութեան գալուց քիչ անց երիտթուրքերի հրաժարումն իրենց իսկ սկզբունքներից եւ «երերուն իշխանութիւնն ամրապնդելու» նրանց ջանքերը՝ Մեհմէդ Բ.ի եւ Սուլէյմանի ժամանակներին վերադառնալու միջոցով: Նա հարե-

ւանցիօրէն ակնարկում է օսմանացման քաղաքականութեան կիրառման եւ դրա ձախողման մասին, իրաւամբ նշում, որ ազգային հարցում երիտթուրքերի գլխաւոր նպատակը եղել է «գեաւուրներին» պատկանող նահանգների մահմեղականացումը։ Վկայակոչելով բայկանեան ժողովուրդների հանդէպ երիտթուրքերի վարած ցեղասպան քաղաքականութեան օրինակը, հեղինակը հիմնաւորապէս ապացուցում է, որ այն իրականացում էր գլխաւորապէս հպատակ ժողովուրդների ընաջնջման եղանակով<sup>216</sup>։ Ակներեւ է, որ երիտթուրքերի ազգային քաղաքականութեանը Բուկարէշի տուած գնահատականներն ընդհանուր առմամբ համագունչ են կիլիկիահայութեան հանդէպ նրանց դրսեւորած վայրագ վերաբերմունքին։

Ազգային հարցում երիտթուրքական վարչակարգի քաղաքականութեանը բացայայտիչ գնահատականներ են տրուած նաեւ անանուն հեղինակի *La Vérité sur le Régime Constitutionnel des Jeunes-Turcs. Comment il a été Compromis* գրքում<sup>217</sup>։ Թէեւ հեղինակն ամրողջութեամբ շրջանցում է քաղաքական նոր ուժերի հայահայած քաղաքականութիւնը, սակայն բայկանեան ժողովուրդների նկատմամբ նրանց վարած ազգայնամոլ քաղաքականութեան հիման վրայ հիմնաւորապէս բացայայտում է նոր վարչակարգի իրական դիմագիծը։ Գործունէութեան սկզբնական շրջանում բռնի օսմանացմանը հետամուտ երիտթուրքերի քաղաքականութիւնը համարելով «մանկամիտ եւ վտանգաւոր ուստոպիա», հեղինակը համոզիչ փաստերով ապացուցում է, որ նրանք կարճ ժամանակամիջոցում հեղինակազրկուել են ազգային փոքրամասնութիւնների աչքում։ Նա գտնում է, որ նրանցից ոչ մէկն այլեւս ցանկութիւն չի դրսեւորի երրեւէ սատարելու երիտթուրքերին, ինչպէս 1909ի սուլթանական խոլովութեան ճնշման ժամանակ՝<sup>218</sup>, քանզի, ինչպէս իրաւամբ մեկնարանում է հեղինակը, սահմանադրական վարչակարգի հաստատումից ի վեր ոչ-մահմեղական ժողովուրդները ճաշակել են միայն անարդարութիւններ, ապօրինութիւններ եւ դժրախտութիւններ՝<sup>219</sup>։ Վկայակոչելով՝ երիտթուրքերի ցեղասպան քաղաքականութեանն առնչուող բազմապիսի փաստեր, նա յանգում է միակ Հնարաւոր հետեւութեան. սահմանադրական վարչակարգն իրեն դրսեւորել է շատ աւելի վատթար ձեւով, քան Արդուլ Համիդի վարչակարգը<sup>220</sup>։ Կիլիկիահայութեան հանդէպ՝ երիտթուրքերի քաղաքականութիւնը կարող է միայն հիմնաւորել այս իրատեսական, անկողմնակալ եւ իրականութեանն ամրողջութեամբ համապատասխանող հետեւութիւնը։

Միաժամանակ մեզ հետաքրքրող ժամանկաշրջանում ֆրանսիայում լոյս են տեսել գրքեր, որոնց հեղինակներն ամրողաթեամբ անտեսել են ոչ միայն 1909ի կիլիկիահայութեան կոտորածները, այլեւ չեն անդրադարձել երիտթուրքերի ազգայնամոլ քաղաքականութեան մեկնարանութեանն առհասարակ<sup>221</sup>:

## ԵԶՐԱԿԱՑՈՒԹԻՒՆ

Այսպիսով, հայեացք նետելով 1909ին կիլիկիայում եւ յարակից տարածներում տեղի ունեցած Հայոց Յեղասպանութեան հերթական փուլին նույիրուած ֆրանսիացի հեղինակների աշխատութիւնների վրայ, հարկ ենք համարում, եզրափակելուց առաջ ընդգծել, որ դրանք մեծապէս նպաստել են իրադարձութեան շուրջ մանրամասն տեղեկատուութեան հաղորդմանը՝ եւրոպական հանրութեանը: Ելնելով տարրեր հեղինակների առաջադրած ոչ-սպառիչ, այդուհանդերձ, համանման մեկնարանութիւններից (մասնաւրապէս, երիտթուրքերին պատասխանատուութիւնից զերծ պահելու, իրադարձութիւնը կրօնական շղարշով պարուրելու խնդիրներում), կարելի է ենթադրել, որ դրա հիմնական պատճառը եղել է կիլիկեան կոտորածների շուրջ ամրողական տեղեկատուութեան բացակայութիւնը: Չնայած այս հանգամանքին, նրանց վկայակոչած փաստերը, արդիւնքում, ոչ միայն նպաստում են երիտթուրքական եւ համիդեան վարչակարգերի հայատեաց քաղաքականութեան դիմազերծմանը, այլեւ ցոյց են տալիս, որ ժամանակակից ցեղասպանագէտների առաջադրած մի շարք էական դրոյթներ կիրառելի են 1909ի կիլիկիահայութեան բնաջնջման ծրագրի պարագայում եւս: Ըստ այդմ՝ համառօտակի նշենք ամենակարեւոր հանգամանքները:-

ա. Փրանսիացի պատմաբանները՝ կիլիկիահայութեան ողբերգութեան առնչութեամբ շեշտում են Օսմանեան կենտրոնական իշխանութիւնների, ու յատկապէս տեղական պաշտօնեաների զեկավար դերը եւ դրանով իսկ ընդգծում, որ կոտորածները տեղի են ունեցել պետական քաղաքականութեան մակարդակով: Յեղասպանագէտների զերակշռող մասը Յեղասպանութիւն է համարում այն իրադարձութիւնը, որը խարսխուած է պետական քաղաքականութեան վրայ:<sup>222</sup>

բ. Մեր քննարկած տարրեր աշխատութիւններում բազմիցս շեշտում է 1909ի կիլիկիահայութեան կոտորածների՝ կանխամտածուածութեան հանգամանքը, ինչը ցեղասպանագէտները համարում են Յեղասպանութեան իրրեւ երեւոյթի հիմնական բնորոշիչներից մին<sup>223</sup>:

գ. Կոտորածների պատասխանատուութիւնը հայերի վրայ բարդելու հարցում, մերկացնելով Զեւադի եւ Օսմանեան այլ պաշտօնեաների գործելամիջոցները, Փրանսիացի հեղինակները հիմնաւորում են ցեղասպանագիտութեան ասպարէզում առաջադրուած՝ Ցեղասպանութիւնն իրականացնող կողմին միանգամայն բնորոշ՝ պատասխանատուութիւնը զոհերի վրայ բարդելու արատաւոր հակումին առնչուող թեզը։ Այս հարցը մանրամասնօրէն մեկնարաանել եւ հիմնաւորել է իւ Տերնոնը. «Կան Ժխտման բազմաթիւ եղանակներ..Այդուհանդերձ, երկու ասպարէզում բոլոր նրանք, ովքեր համակուած են Ժխտման պարոլոգիայով, որդեզրում են միեւնոյն Ժխտողական դիրքորոշումը։ Նրանք չեն ճանաշում զոհերի անմեղութիւնը, որոնց սպանելու համար մեղադրում են եւ իրենց վերագրելով անմեղութիւնը՝ այն օգտագործում են ըստ իրենց հայեցողութեան»<sup>224</sup>։ Հստ Փրանսիացի հեղինակների աշխատութիւնների՝ կարելի է համոզուել, որ 1909ի կիլիկիահայութեան բնաջնջումն իրականացնողների վարքագիծը համահունչ է անուանի ցեղասպանագէտի այս խիստ կարեւոր հայեցակարգային դրոյթին։

Ակնյայտ է, որ Ի. դարի 10ականների Փրանսիացի պատմաբանների ներդրումը 1909ի Հայոց Ցեղասպանութեան հերթական փուլի ուսումնասիրութեան ասպարէզում ունի ոչ միայն ճանաչողական նշանակութիւն, այլեւ գիտական կարեւորութիւն, եւ Հայոց Ցեղասպանութեան պատմութեան կեղծման յետնախորքի վրայ ձեռք է բերում մեծ այժմէականութիւն, քանզի հիմնաւորապէս դիմազերծում է զանազան կեղծարարների ոտնձգութիւնները հայ ժողովրդի պատմական անցեալի հանդէպ։

## ՄԱՆՕԹԱԳՐՈՒԹԻՒՆՆԵՐ

<sup>1</sup> Ա. Կարապետեան, Հայոց 1915-1916 Թուականների Ցեղասպանութեան Հարցերը Հայ Պատմագրութեան Մէջ, Երեւան, Գիտութիւն Հրատարակչութիւն, 1999, նաեւ՝ նոյնի՝ Հայոց 1915-1916 Թուականների Ցեղասպանութեան Հիմնահարցերը Ցետրութերդային Հայ Պատմագրութեան Մէջ, Երեւան, Գիտութիւն Հրատարակչութիւն, 2005, նաեւ՝ Ն. Ցովհաննիսեան, Հայոց Ցեղասպանութիւնը Արարական Պատմագիտութեան Քննական Լոյսի Ներքոյ, Երեւան, Զանգակ-Ձ Հրատարակչութիւն, 2004։

<sup>2</sup> Ռ. Սահակեան, «Հայկական Ցեղասպանութեան Պատմութիւնը Ֆրանսիական Հրատարակութիւններում», Ռ. Սահակեան, Ցեղասպանութեան Պատմութիւնից, Երեւան, Հայաստան Հրատարակչութիւն, 1990, էջ 223-239, նաեւ՝ Վ. Պողոսեան, Հայոց Ցեղասպանութեան Առաջին Փուլը Ֆրանսիական Պատմագրութեան Ըս Հասարակական Մոքի Գնահատմամբ (XIX դ. վերջ-XX դ. սկիզբ), Երեւան, Գիտութիւն Հրատարակչութիւն, 2005։

- <sup>3</sup> L. K. Etmekjian, "The Reaction of the Boston Press to the 1909 Massacre of Adana", *Armenian Review*, 1987, v. 40, N 4, էջ 61-74; V. Dadrian, "The Circumstances Surrounding the 1909 Adana Holocaust", *Armenian Review*, 1988, v. 41, N 4, էջ 1-16; նոյնի Հistoire du Génocide Arménien. Conflits Nationaux des Balkans au Caucase, Paris, Editions Stock, 1996, էջ 301-309; R. H. Kévorkian, "Les Massacres de Cilicie d'Avril 1909", *La Cilicie (1909-1921). Des Massacres d'Adana au Mandat Français*. Volume préparé par Raymond H. Kévorkian, Paris, Annales de la Bibliothèque Nubar, 1999, էջ 7-142; նոյնի Հe Génocide des Arméniens, Paris, Odile Jacob, 2006; A. Arkun, "Les Relations Arméno-Turques et les Massacres de Cilicie de 1909" *L'actualité du Génocide des Arméniens Actes du Colloque Organisé par le Comité de Défense de la Cause Arménienne à Paris les 16, 17 et 18 Avril 1998*, Paris, Edipol, 1999, էջ 57-74; A. Asso, *Le Cantique des Larmes. Arménie, 1915. Paroles des Rescapés du Génocide*, Paris, La Table Ronde, 2005, էջ 29-31:
- <sup>4</sup> Հ. Ղազարեան, Հայ ժողովրդի Յեղասպանութիւնը Օսմանեան Կայսրութիւնում, Հ. առաջին, Երեւան, Տիգրան Մեծ Հրատարակչութիւն, 2004, էջ 68-76, նաև՝ Վ. Գ. Թունեան, *Mladoturki I Armyanski Vopros. 1908-1912gg.* (Երիտթուրքերը եւ Հայկական Հարցը, 1908-1912 թթ.-) Երեւան, Հայոց Յեղասպանութեան Ինստիտուտ-Թանգարանի Հրատարակչութիւն, 2004, էջ 109-133, նաև՝ Ռ. Գասպարեան, Հայկական Կոտորածները Կիլիկիայում (XIX դարի 90-ական թթ.-1921 թ.), Երեւան, Գիտութիւն Հրատարակչութիւն, 2005, էջ 52-94:
- <sup>5</sup> Y. Ternon, *L'État Criminel. Les Génocides au XX<sup>e</sup> siècle*, Paris, Editions du Seuil, 1995, էջ 183.
- <sup>6</sup> Նոյն, էջ 235.
- <sup>7</sup> Asso, էջ 27.
- <sup>8</sup> Ղազարեան, էջ 66.
- <sup>9</sup> Նոյն, էջ 67, 73, 74, 75, 76.
- <sup>10</sup> R. Melson, "Problèmes Soulevés par la Comparaison entre le Génocide Arménien et l'Holocauste," *L'actualité du Génocide des Arméniens*, էջ 379, նոյնի Հe Revolution and Genocide. On the Origins of the Armenian Genocide and the Holocaust, Chicago and London, Transaction Books, 1992, էջ 28: Նման Հարցադրումն անհամատեղելի է Հայոց Յեղասպանութեան՝ իրեւ երեւոյթի հանդէպ Մելսոնի դրսեւորած մօտեցմանը, քանզի նա հակուած չէ նոյնիսկ 1890ականներին սանձագերծուած Հայ ժողովրդի բնախնձման լայնածաւալ գործընթացը բնորոշելու իրեւ մասնակի ցեղասպանութիւն (Melson, *Revolution and Genocide*, էջ 299): Դա կարելի է բացատրել սոսկ ամերիկացի պատմարանի, մեր կողմից անընդունելի, Հայոց Յեղասպանութեան շուրջ առաջադրած հայեցակարգի առանձնայատկութեամբ, ըստ որի Հայ ժողովրդի ցեղասպանութիւնը, ինչպէս եւ մի շարք այլ ցեղասպանութիւններ, իրականացուել են դրանց նախորդած յեղափոխութիւնների արդիւնքում: Այս պայմաններում, Հայոց Յեղասպանութիւնը նա դիտում է իրեւ 1908ի Երիտթուրքական յեղափոխութեան հետեւանքով 1915ին տեղի ունեցած իրադարձութիւն (Melson, *Revolution and Genocide*, էջ XVI):
- <sup>11</sup> Տե՛ս օրինակ՝ Հ. Հ. Մարտիրոսեան, «Կիլիկիայի 1909 Թուականի Ապրիլի Հայկական Կոտորածը եւ Երիտասարդ Թուրքիայի Պատասխանատուութեան Հարցը», *Մերժաւոր Եւ Միջին Արեւելքի Երկրներ Եւ Ժողովուրդներ*, Հ. Վ. Թուրքիա, Երեւան, Հայ-

կական ՍՍՀ ԳԱ Հրատարակչութիւն, 1970, էջ 317, նաեւ՝ D. Boyadjian, *Armenia, The Case of a Forgotten Genocide*, New Jersey, Educational Book Crafters, 1972, էջ 47, նաեւ՝ Զոն Կիրակոսեան, Օրիտթուրքերը Պատմութեան Դատաստանի Առաջ (19րդ դարի 90ական թթ.), Գիրք առաջին, Երեւան, Հայաստան Հրատարակչութիւն, 1982, էջ 287-289, նաեւ՝ Dadrian, *Histoire du Génocide*, էջ 305-306, նաեւ՝ Kévorkian, "Les Massacres", էջ 141, նոյնի՝ *Le Génocide des Arméniens*, էջ 142-145, նաեւ՝ Ղազարեան, էջ 68, 74:

<sup>12</sup> Տե՛ս օրինակ՝ Մ. Վարանդեան, Հ. Թ. Դաշնակցութեան Պատմութիւն, Բ. Հատոր, Գագիրէ, Յուլսարեր, 1950, էջ 16, նաեւ՝ Y. Ternon, *Les Arméniens. Histoire d'un Génocide*, Paris, Editions du Seuil, 1977, էջ 179, նաեւ՝ Ա. Ս. Համբարեան, «Կիրիկիայի 1909 թ. Հայկական Կոտորածները», Պատմարանայրական Հանդէս, 1988, թիւ 4, էջ 28, նաեւ՝ D. R. Papazian, "Misplaced Credulity": Contemporary Turkish Attempts to Refute the Armenian Genocide" *Armenian Review*, 1992, v. 45, N 1-2, էջ 188, նաեւ՝ Ս. Պողոսեան, Կ. Պողոսեան, Հայկական Հարցի Եւ Հայոց Ծեղասպանութեան Պատմութիւն, և առաջին, Հայրի Բնաթնժման Օսմանեան Քաղաքականութիւնը, Երեւան, «Հրաչեայ Աճառեան» Համալսարանի Հայկական Հարցի Գիտական Կենտրոն, 2000, էջ 556, նաեւ՝ R. P. Adalian, "Adana: Massacres", *Le Livre Noir de l'Humanité. Encyclopédie Mondiale des Génocides*, Sous la direction de Israel Charny, Toulouse, Éditions Privat, 2001, էջ 81-82, նաեւ՝ Գասպարեան, էջ 93:

<sup>13</sup> Christopher J. Walker, *Armenia. The Survival of a Nation*, London, Cron Helm, St Martin's Press, 1980, էջ 188, նաեւ՝ R. J. Rummel, *Statistics of Democide. Genocide and Mass Murder since 1900*, New Brunswick, Transaction Publishers, 1998, էջ 80:

<sup>14</sup> Այդ մասին տե՛ս՝ Պողոսեան, էջ 21-48.

<sup>15</sup> Այդ մասին տե՛ս՝ Ternon, *Les Arméniens. Histoire d'un Génocide*, էջ 174: Մի շարք պատմաբաններ չեն կողմնորոշուել հեղինակի ինքնութեան բացայացման հարցում. (Մարտիրոսեան, էջ 308, նաեւ՝ Walker, էջ 49, նաեւ՝ Համբարեան, էջ 24: Ինձ անյարտայի հեղինակը չի բացառում, որ ինի ազգութեամբ հայ՝ Փրանսիացի պատմաբան):

<sup>16</sup> G. Brézol, *Les Turcs ont Passé la... Recueil de Documents, Dossiers, Rapports, Requêtes, Protestations, Supplices et Enquêtes Établissant la Vérité sur les Massacres d'Adana en 1909*, Paris, Poissy, 1911: Առյ ժողովածուում ամփոփուած որոշ փաստաթղթեր ընդգրկուել են նաեւ՝ Յ. Թէրզեան, Կիրիկիոյ Աղէտը, Կ. Պոլիս, Յ. Ասատուրեան եւ որդիք. 1912 Հրատարակութեան մէջ:

<sup>17</sup> Brézol, էջ 13:

<sup>18</sup> Տե՛ս՝ *Les Massacres d'Arménie. Témoignages des Victims*, Préface de G. Clemenceau, Paris, Editions du Mercure de France, 1896; *The Treatment of Armenians in the Ottoman Empire 1915-16. Documents Presented to Viscount Grey of Fallodon, Secretary of State for Foreign Affairs by Viscount Bryce*, New York and London, Causton and Sons, 1916:

<sup>19</sup> Brézol, էջ 24: [Այս եւ մնացեալ մէջթերումները յոդուածագրին կողմէ թարգմանուած են Փրանսերէն բնագիրներէն - Խմբ.]:

<sup>20</sup> Նոյն, էջ 49:

<sup>21</sup> Նոյն, էջ 73:

<sup>22</sup> Նոյն, էջ 76:

<sup>23</sup> Նոյն, էջ 77:

<sup>24</sup> Նոյն:

- <sup>25</sup> Նոյն, էջ 81:
- <sup>26</sup> Նոյն, էջ 138:
- <sup>27</sup> Նոյն, էջ 138-139:
- <sup>28</sup> Նոյն, էջ 140:
- <sup>29</sup> Նոյն, էջ 141:
- <sup>30</sup> Նոյն:
- <sup>31</sup> Տատրեանի Համոզմամբ՝ լրագրի հրատարակիչները «մեծ պատախանառութիւն են կրում» քաղաքում սանձագերծուած կոտորածների երկրորդ փուլի նախապատրաստման Համար (V. Dadrian, "The Circumstances Surrounding the 1909 Adana Holocaust", *Armenian Review*, 1988, v. 41, N 4, էջ 6. Մեր երախտագիտութիւնն ենք յայտնում պրոֆեսոր Տատրեանին՝ յօդուածի առանձնատիպը մեզ տրամադրելու Համար): Այս մասին մանրամասն տե՛ս նաև՝ Kévorkian, "Les Massacres de Cilicie d'Avril 1909", էջ 84-87:
- <sup>32</sup> Brézol, էջ 142:
- <sup>33</sup> Նոյն, էջ 143:
- <sup>34</sup> Նոյն:
- <sup>35</sup> Նոյն, էջ 147:
- <sup>36</sup> Նոյն, էջ 149:
- <sup>37</sup> Նոյն:
- <sup>38</sup> Նոյն, էջ 150:
- <sup>39</sup> Այդ մասին տե՛ս՝ Dadrian, *Histoire du Génocide*, էջ 305, նաև՝ Kévorkian, "Les Massacres de Cilicie d'Avril 1909", էջ 141, նաև՝ Գասպարեան, էջ 55-56:
- <sup>40</sup> Brézol, էջ 179:
- <sup>41</sup> Տե՛ս՝ Dadrian, *Histoire du Génocide*, էջ 305:
- <sup>42</sup> Brézol, էջ 180:
- <sup>43</sup> Նոյն, էջ 181:
- <sup>44</sup> Նոյն, էջ 153:
- <sup>45</sup> Նոյն, էջ 154-155:
- <sup>46</sup> Նոյն, էջ 157-158:
- <sup>47</sup> Նոյն, էջ 164, 179:
- <sup>48</sup> Նոյն, էջ 152:
- <sup>49</sup> Նոյն, էջ 180:
- <sup>50</sup> Թէպէտ այս վարկածն անկարող ենք հիմնաւորել որեւէ փաստով, այնուամենայնիւ, նշենք, որ կիլիկեան կոտորածների հետաքննութիւնն Աղանայում վարած՝ Օսմանեան խորհրդարանի Հայազգի երիտթուրք պատգամաւոր Յակոբ Պապիկեանն իր զեկուցագրում հաւաստել է կոտորածներին երիտթուրքերի մեղսակցութիւնը: Այդ մասին՝ ստորեւ:
- <sup>51</sup> Brézol, 89:
- <sup>52</sup> Նոյն:
- <sup>53</sup> Նոյն, էջ 90:
- <sup>54</sup> Այդ մասին մանրամասն տե՛ս՝ *Les Massacres d'Adana et nos Missionnaires. Récit de Témoins*, Lyon, Paquet, 1909; J. d'Annezay, *Au Pays des Massacres. Saignée Arménienne de 1909*, Paris, Bloud et Cie, 1910, էջ 25-26:
- <sup>55</sup> Brézol, էջ 95:

- <sup>56</sup> Այն գտնւում է Հասան Բէյիի մօտ, Զերէլ Բերեքէթ սանջակում:
- <sup>57</sup> Նոյն, էջ 96.
- <sup>58</sup> Նոյն, էջ 109.
- <sup>59</sup> Նոյն, էջ 99.
- <sup>60</sup> Նոյն, էջ 104.
- <sup>61</sup> Նոյն:
- <sup>62</sup> Նոյն, էջ 64.
- <sup>63</sup> Նոյն, էջ 63.
- <sup>64</sup> Նոյն, էջ 129.
- <sup>65</sup> Նոյն, էջ 116.
- <sup>66</sup> Նոյն, էջ 123.
- <sup>67</sup> Նոյն:
- <sup>68</sup> Նոյն, էջ 204, 206.
- <sup>69</sup> Նոյն, էջ 208.
- <sup>70</sup> Նոյն, էջ 346.
- <sup>71</sup> Նոյն, էջ 348.
- <sup>72</sup> Նոյն, էջ 251.
- <sup>73</sup> Նոյն:
- <sup>74</sup> Այս մասին տե՛ս՝ Kévorkian, “Les Massacres de Cilicie d’Avril 1909”, էջ 108.
- <sup>75</sup> Brézol, էջ 212-213, 215.
- <sup>76</sup> Նոյն, էջ 227, 229.
- <sup>77</sup> Նոյն, էջ 233.
- <sup>78</sup> Նոյն, էջ 235.
- <sup>79</sup> Նոյն, էջ 215, 221.
- <sup>80</sup> Նոյն, էջ 220.
- <sup>81</sup> Պապիկեանի նշանակման մասին տե՛ս՝ Kévorkian, “Les Massacres de Cilicie d’Avril 1909”, էջ 107-108.
- <sup>82</sup> Նրա զեկուցագրի ամբողջական բնագիրը տե՛ս՝ “Rapport en Date du 7 Juin 1325 (1909) de Feu Babiguien Eeffendi, Député d’Adrianople, sur les Massacres d’Arménie” *La Situation des Arméniens en Turquie Exposée par des Documents 1908-1902*, III, [Constantinople, 1913], էջ 7-26; Տե՛ս նաև Հայերէն թարգմանութիւնը՝ Առանայի Եղեռնը. Տեղեկագիր Յակոր Պապիկեանի (Օսմանեան Երծափոխան իտիրոնէի). Յուանսիս առ Փրեսանսէի Յառաջարանով, Կ. Պոլիս, Կիլիկիա Գրատուն, 1919.
- <sup>83</sup> Brézol, էջ 240.
- <sup>84</sup> Նոյն, էջ 243.
- <sup>85</sup> Առանայի Եղեռնը, էջ 42; Տե՛ս նաև “Rapport en Date du 7 Juin 1325 (1909)”, էջ 26.
- <sup>86</sup> Brézol, էջ 242.
- <sup>87</sup> Նոյն, էջ 244.
- <sup>88</sup> Նոյն, էջ 263.
- <sup>89</sup> Նոյն, էջ 269.
- <sup>90</sup> Նոյն, էջ 179.
- <sup>91</sup> Նոյն, էջ 274, 278, 279.
- <sup>92</sup> Նոյն, էջ 268, 268, 275, 276.
- <sup>93</sup> Նոյն, էջ 280.

- <sup>94</sup> Սոյն յօդուածն արդէն պատրաստ էր տպագրութեան, երբ Մոնղելիէի Պոլ Վալերի Համարարանի պրոֆեսոր Պիէր Պարրալը մեզ տրամադրեց Ադանայի կոտորածների պատմութեան նուիրուած Փրանսիական Հրատարակութիւններից մէկի պատճէնը (Jean d'Annezy, *Au Pays Des Massacres*: Իր երախտագիտութիւնը յայտնելով պրո-Փեսոր Պարրալին, Հեղինակը հայցում է ընթերցողի ներողամտութիւնը, խոստանալով նիւթը օգտագործել իր յաջորդ Հրապարակումներում):
- <sup>95</sup> *Les Massacres d'Adana et nos Missionnaires*:
- <sup>96</sup> Նոյն, էջ 4:
- <sup>97</sup> Նոյն, էջ 5:
- <sup>98</sup> Նոյն, էջ 33, 36-37:
- <sup>99</sup> Նոյն, էջ 45-46:
- <sup>100</sup> Նոյն, էջ 5:
- <sup>101</sup> Նոյն, էջ 42:
- <sup>102</sup> Նոյն:
- <sup>103</sup> Նոյն, էջ 48:
- <sup>104</sup> *Տե՛ս օրինակ՝ Պօղոսեան*, էջ 173-201.
- <sup>105</sup> *Les Massacres d'Adana et nos Missionnaires*, էջ 48:
- <sup>106</sup> A. Adossidès, *Arméniens et Jeunes-Turcs. Les Massacres de Cilicie*, Paris, Stock, 1910. Հայոց Ցեղասպանութեան գործընթացի նկատմամբ Ադոսիդէսն անթաքոյց Հետաքրքրութիւն է Հանդէս բերել դեռեւս Ի. դարի սկզբին, երբ Դորիս Կեղծանուամբ հրատարակել է Աբդուլ Համիդին նուիրուած ուսումնասիրութիւն (G. Dorys, *Abdul-Hamid Intime*, Paris, Editions Stock, 1901; 2<sup>eme</sup> éd., 1903). Այդ մասին տե՛ս՝ Պօղոսեան, էջ 92-93:
- <sup>107</sup> Adossidès, էջ 6:
- <sup>108</sup> Նոյն, էջ 42:
- <sup>109</sup> Նոյն, էջ 43:
- <sup>110</sup> Նոյն:
- <sup>111</sup> Նոյն:
- <sup>112</sup> Նոյն, էջ 98:
- <sup>113</sup> Չուչերի թուաքանակի շուրջ պատմաբանները յայտնել են իրարամերժ կարծիքներ: Տատրեանն, օրինակ, գտնում է, որ Հայերն ունեցել են քանհինգ հազար զոհ (Dadrian, *Histoire du Génocide*, էջ 305):
- <sup>114</sup> Adossidès, էջ 99, 102:
- <sup>115</sup> Նոյն, էջ 105:
- <sup>116</sup> Գասպարեան, էջ 55-56:
- <sup>117</sup> Adossidès, էջ 16-20:
- <sup>118</sup> Նոյն, էջ 19:
- <sup>119</sup> Նոյն, էջ 27:
- <sup>120</sup> Նոյն, էջ 29:
- <sup>121</sup> Նոյն, էջ 49:
- <sup>122</sup> Նոյն:
- <sup>123</sup> Նոյն, էջ 9:
- <sup>124</sup> Նոյն, էջ 11:
- <sup>125</sup> Նոյն, էջ 35:

- 126 Նոյն, էջ 35;  
 126 Նոյն, էջ 61-62, 72:  
 127 Նոյն, էջ 25:  
 128 Նոյն, էջ 25:  
 129 Նոյն, էջ 54-56, 70-71, 94:  
 130 Նոյն, էջ 70:  
 131 Նոյն, էջ 8:  
 132 Նոյն, էջ 8-9:  
 133 Նոյն, էջ 22: Այս մասին մանրամասն տե՛ս՝ Շ. Թ. Թորոսեան, Կիլիկիայի Հայերի Ազգային-Ազատագրական Շարժումները 1919-1920թթ., Երեւան, Երեւանի Համալսարանի Հրատարակչութիւն, 1987, էջ 28-29:  
 134 Adossidès, էջ 53:  
 135 Նոյն, էջ 11-12:  
 136 Նոյն, էջ 138:  
 137 Նոյն:  
 138 Նոյն, էջ 93:  
 139 Մանրամասն տե՛ս՝ Թունեան, էջ 113-114:  
 140 Adossidès, էջ 142:  
 141 Նոյն, էջ 47, 64:  
 142 Նոյն, էջ 64:  
 143 Նոյն, էջ 16:  
 144 Նա խօսում է այլոց մասին եւս: Նոյն, էջ 64-65, 90, 92:  
 145 Նոյն, էջ 34:  
 146 Նոյն:  
 147 Նոյն, էջ 36:  
 148 Նոյն, էջ 42, 80-81:  
 149 Նոյն, էջ 81-82, 88:  
 150 Նոյն, էջ 6:  
 151 Նոյն, էջ 136:  
 152 Իրականում եօթ՝ Անգլիա, Ֆրանսիա, Իտալիա, Գերմանիա, Աւստրիա, Ռուսաստան, ԱՄՆ:  
 153 Նոյն:  
 154 Այս մասին մանրամասն տե՛ս՝ Dadrian, էջ 307-308:  
 155 Adossidès, էջ 37:  
 156 Նոյն, էջ 82:  
 157 G. Vayssié, "Les Vêpres Ciliciennes" *La Revue (Ancienne "Revue des Revues")*, 1<sup>er</sup> Novembre 1909, N 21, էջ 75:  
 158 Նոյն:  
 159 Նոյն, էջ 78:  
 160 Նոյն, էջ 80:  
 161 Նոյն:  
 162 Նոյն, էջ 81:  
 163 Նոյն, էջ 81-82:  
 164 Նոյն, էջ 86:

- <sup>165</sup> Նոյն:
- <sup>166</sup> Նոյն: Այդ մասին տե՛ս՝ վերը:
- <sup>167</sup> Նոյն, էջ 87:
- <sup>168</sup> Նոյն, էջ 91:
- <sup>169</sup> Նոյն, էջ 77:
- <sup>170</sup> Նոյն, էջ 75:
- <sup>171</sup> Նոյն, էջ 77, 88:
- <sup>172</sup> R. Moulin, *Force et Faiblesse de la Jeune Turquie*, Paris, Plon-Nourrit et C<sup>ie</sup>, 1910; *Մուլինի գիրքը տպագրուել է նախ Revue Hebdomadaire Հանդէսում*, 30 Avril 1910, N 18, էջ 593-626 և 7 Mai 1910, N 19, էջ 53-80:
- <sup>173</sup> Moulin, էջ 16-17:
- <sup>174</sup> Նոյն, էջ 18:
- <sup>175</sup> Տե՛ս՝ Եռլի Պետրոսեան, *Mladoturetskoye Dvijenie* (Երիտթուրքական շարժումը), Մոսկուա, Գիտութիւն Հրատարակչութիւն, 1971, էջ 308, նաեւ՝ Վ. Ի. Շպիլկովա, *Mladoturetskaya Revolutsia 1908-1909 gg.* (1908-1909 թթ. երիտթուրքական յեղափոխութիւնը), Մոսկուա, Գիտութիւն Հրատարակչութիւն, 1977, էջ 127:
- <sup>176</sup> Arkun, էջ 58:
- <sup>177</sup> Այդ մասին տե՛ս՝ Շպիլկովա, էջ 38, նաեւ՝ Ternon, *Empire Ottoman. Le Déclin, la Chute, l'Effacement*, Paris, Michel de Maule, 2005, էջ 233:
- <sup>178</sup> Moulin, էջ 20:
- <sup>179</sup> Նոյն, էջ 30-31, 32:
- <sup>180</sup> Նոյն, էջ 33:
- <sup>181</sup> Նոյն, էջ 19:
- <sup>182</sup> Նոյն, էջ 26:
- <sup>183</sup> Նոյն:
- <sup>184</sup> Նոյն, էջ 26, 28:
- <sup>185</sup> Նոյն:
- <sup>186</sup> Նոյն, էջ 27:
- <sup>187</sup> Նոյն:
- <sup>188</sup> Նոյն, էջ 30:
- <sup>189</sup> A. Sarrou, *La Jeune-Turquie et la Révolution*, Paris-Nancy, Berger-Levrault, 1912, էջ 89:
- <sup>190</sup> Նոյն, էջ 89-90:
- <sup>191</sup> Նոյն, էջ 90:
- <sup>192</sup> C[omte] de Landemont, *L'Europe et la Politique Orientale, 1878-1912*, Paris, Plon-Nourrit et C<sup>ie</sup>, 1912, էջ 268:
- <sup>193</sup> Նոյն, էջ 279:
- <sup>194</sup> Նոյն:
- <sup>195</sup> H. Barby, *Au Pays de l'Épouvanter. L'Arménie Martyre*, Préface de M. Paul Deschanel, Paris, Albin Michel, 1917, էջ 13:
- <sup>196</sup> Նոյն:
- <sup>197</sup> P. Louis, "Essai sur la Révolution Turque", *Mercure de France*, 1<sup>er</sup> Mai 1909, N 285:
- <sup>198</sup> Նոյն, էջ 237:
- <sup>199</sup> Նոյն, էջ 240:

- <sup>200</sup> I. Paul, *La Rénovation de l'Empire Ottoman. Affaires de Turquie*, Paris, Académique Perrin et C<sup>ie</sup>., 1909, § 294.
- <sup>201</sup> Յոյն, § 268:
- <sup>202</sup> *Histoire de l'Empire Ottoman Jusqu'à la Révolution de 1909*, par L. Collas, quatrième édition, revue et mise au courant par E. Driault, Paris, [1909], § 187.
- <sup>203</sup> R. Pinon, *L'Europe et la Jeune Turquie. Les Aspects Nouveaux de la Question d'Orient*, Paris, Académique Perrin et C<sup>ie</sup>., 1911, § 77, 121, 122.
- <sup>204</sup> Յոյն, § 107:
- <sup>205</sup> Յոյն, § 77:
- <sup>206</sup> Յոյն, § 122:
- <sup>207</sup> Յոյն, § 134:
- <sup>208</sup> D. Georgiadès, *La Régénération de la Turquie est-elle Possible?* Paris, Chaix, 1909, § 33:
- <sup>209</sup> Յոյն, § 41:
- <sup>210</sup> Յոյն, § 56:
- <sup>211</sup> Յոյն, § 44, 56:
- <sup>212</sup> Յոյն, § 59:
- <sup>213</sup> Յոյն, § 41:
- <sup>214</sup> Յոյն, § 90:
- <sup>215</sup> V. Bérard, *La Mort de Stamboul. Considérations sur le Gouvernement des Jeunes-Turcs*, Paris, Armand Colin, 1913, § 209.
- <sup>216</sup> L'-Colonel Breveté Boucabeille, *La Guerre Turco-Balkanique 1912-1913. Thrace-Macédoine-Empire*, Paris, Chapelot, 1913, § 27-28.
- <sup>217</sup> *La Vérité sur le Régime Constitutionnel des Jeunes-Turcs. Comment il a été Compromis. Lettre Adressée à un des Membres les Plus Influents du Comité Union et Progrès par F. - f.O.*, Paris, Plon-Nourrit et C<sup>ie</sup>, 1911.
- <sup>218</sup> Յոյն, § 14, 19:
- <sup>219</sup> Յոյն, § 19:
- <sup>220</sup> Յոյն, § 43:
- <sup>221</sup> A. Durand, *Jeune Turquie. Vieille France*, Paris, 1909; T. Blancard, *Autour de la "Jeune Turquie"*, Marseille-Paris, 1911; Muçafir, *Notes sur la Jeune Turquie*, Bordeaux, Recueil Sirey, 1911; E. Lemonon, *L'Europe et la Politique Britannique (1882-1911)*, Paris, Félix Alcan, 1912; E. Driault, *La Question d'Orient Depuis ses Origines Jusqu'à la Grande Guerre*, septième édition, Paris, Félix Alcan, 1917.
- <sup>222</sup> Տե՛ս օրինակ՝ B. Harff, "The Etiologie of Genocide, Genocide and the Modern Age", *Etiologie and Case Studies of Mass Death*, edited by I. Wallmann and M. N. Dobkowski, New York, Greenwood Press, 1987, § 48; F. Chalk & K. Jonassohn, *The History and Sociology of Genocide. Analyses and Case Studies*, New Haven & London, Yale University Press, 1990, § 23, 26; R. Melson, *Revolution and Genocide*, § 26; Y. Ternon, *L'État Criminel*, § 65-78; R. J. Rummel, "Le Nouveau Concept de Démocide. Le Livre Noir de l'Humanité," *Encyclopédie*, § 48-55; I. L. Horowitz, *Taking Lives. Genocide and State Power*, Fifth Edition, Revised, New Brunswick & London, Transaction Publishers, 2002, § 14, 23.

<sup>223</sup> Տե՛ս օրինակ՝ Chalk & Jonassohn, էջ 26, նաեւ՝ Ternon, էջ 91-92, նաեւ՝ J. Balint, I. W. Charny, “Définitions du Génocide. Le Livre Noir de l’Humanité,” *Encyclopédie*, էջ 43-44: Այս Հարցի շուրջ պատմաբանների առաջադրած տեսակէտների մասին մանրամասն տե՛ս՝ Ռ. Սաֆրաստեան, «Թեղասպանութեան Մագումնաբանութեան Հարցի Շուրջ. Դիտաւորութեան Հանգամանքի Կիրառումը», Հայոց Մեծ Եղեռն - 90, Յօդուածների ժողովածու, պատասխանատու խմբագիր՝ Արամ Սիմոնեան, Երեւան, Երեւանի Համարարանի Հրատարակութիւն, 2005, էջ 367-371.

<sup>224</sup> Yves Ternon, *L'innocence des Victims. Au Siècle des Génocides*, Paris, Descléde Brouwer, 2001, էջ 134:

## FRENCH HISTORIOGRAPHY ON THE ARMENIAN MASSACRES OF 1909 IN CILICIA (Summary)

VARUJAN POGHOSIAN

The article sheds light on the approach and assessment of French historiographers on the Armenian massacres of 1909 committed in Cilicia. The author notes that these massacres were organized and perpetrated by both the Young Turks and the ancient regime and constitute an important link in the process of the Armenian Genocide (1894-1922). In fact, the French authors characterize the killings of 1894-96 and 1909 as an introduction to the Armenian Genocide of 1915.

Poghosian underlines the fact that after a short period in the 1910s, the Armenian massacres of 1909 were rarely brought to light and discussed by French historiographers until the early 1990s.

In line with highlighting some 14 books, document compilations, and articles the author puts under the limelight two books, that of Petros Aznovour, who in 1911, under the nickname of Georges Brézol, published *Les Turcs ont passé là...* in Paris, and that of the French journalist A. Adossidès, who published his book *Arménines et Jeunes-Turcs. Les massacres de Cilicie*, in Paris in 1910.

Poghosian assesses and interprets the documents published in the first book, which is a compilation of documents, numerous reports, letters, protests and other notes of various sources. The book reflects the diverse points of view of Turkish officials, Armenian clerics and foreign missionaries.

Poghosian notes as well that the Armenian massacres of 1909 were hinted at in various studies related to the history of the Ottoman Empire. These books assessed the Armenian massacres of 1909 in the framework of state policy towards the national minorities.

The author stresses that all these French authors affirm and attest these massacres. However, they vary in assessing the damage, the casualties, and particularly in pinpointing both the organizers and perpetrators. Ultimately they differ in putting the responsibility on the old regime of Abdul Hamid or the new regime of the Young Turks.